



天真閣外集卷一

大家

昭文

孫原湘



詩一

風格天然是大家不施金翠不鉛華眉彎只仿三分月心曲常  
期百合花早喜嬌兒工蠟鳳每啜小婢學塗鴉羅衣怕惹薰籠  
息自有生香勝辟邪

形影相隨語意關調琴弄瑟兩都嫺心如江漢交流水寢在羅  
浮合體山承露綺蘭雙箭起凌波羅轅一弓彎春晴不敢樓頭  
望恐被桃花妬玉顏

七情雕刻玉瓏璫光徹玻璃一座屏約伴綵牋書日子試兒錦  
字認風丁愁聽謝豹啼殘月苦諷牽牛覓小星脩得闌房清福  
勝不教鸚鵡念心經

天真閣外集卷一

也願紅顏也白頭一分慧帶一分愁恐妨歸燕常開箔怕見飛  
英不下樓綺語尙耽平素癖芳情早謝踏青游簪花寫幅蘭亭  
帖便當初三禱事脩

仁嫁

冰肌雪腕藐姑仙仁嫁還如未嫁年通脫轉饒風格峻低徊剛  
映日華妍胸前草佩添丁喜髻上花刪過午薰卻笑並船諸女  
伴明珠壓得翠鬟偏

畫舫

畫舫相排若比鄰不會珠箔障香塵一家語笑情初洽半晌沉  
吟態更真紈扇偶擎非掩斂羅衣欲舞且逡巡憑他萬日青天  
看幾見嫦娥要辟人

一分才調一分色豈堪攪不是輕傾國偶逢須福分守宮纔

退更鮮明裙邊蝴蝶即持定襲上花枝姊唾成仙骨未容人仿  
佛自臨春水照盈盈

左倚蘭橈右桂旗驚鴻影落碧玻璃生成細骨輕軀好悉聽橫  
看側視宜恕我狂名簾不下厭人談語榜潛移幽蘭自是深閨

種許蜨聞香禁蜨知簾不下一作船許並

亞字紅橋折向東櫓枝搖曳太匆匆雲多離合晴難定花有陰

曷致不同逼近更聞香盪越薄暝猶勝月朦朧明眸焉肯輕回

睽自覺微波面面通

層城

望徹層城坐徹宵苦心眼記丰標生來仙骨非丹換摹擬神  
情勝白描牛女若逢應妬巧鶯花相對敢爭嬌丹誠欲寄何由  
達吹煞燈前碧玉簫

天眞閣外集卷一

二

別來追憶總模糊抵悔當時領畧粗妄想自知須懺悔閒情何  
礙屬虛無歎門甘袖三年刺展畫拚將百口呼願化木蘭舟上  
楫供君穩坐玉纖扶

仙才

閨房林下譽難偏一副身心兩副妍不道聰明尤絕世卽論光  
豔合生天容教佛見拈花笑詩到神來脫草傳我欲諷卿鍵繡  
闌放他霜月鬪嬋娟

蘭信

傳來消息是耶非錯認湘妃作宓妃標識幸餘青玉佩隨常愛  
著白綃衣鴛鴦早誓橫塘偶蛺蝶遙從外幕飛怪道碧桃花獨  
豔只貪顏色子猶稀  
動是飛仙靜是神不容窺破意才真深情何但能容妾絕色無

須更妬人捏土互攪夫婿像隔幃會屈小郎賓尋常喜愠都藏  
過還恐全家學笑鬢

玉問

誤觸晶屏獺髓敷一絲霞氣透雲烏久知白璧推瑜瑾肯把黃金屬畫圖妬口恣憑同列謗高情轉避俗人諛山河倒影銀蟾裏會累姮娥絕色無

草草梳頭煥玉搔青銅秘鑰手輕操析來文著湘妃竹製就銀杯阿母桃風雅最能傾女伴雪花親自釀兒曹烏絲掌籍煩書寫落筆先題一字糕

阿閣

阿閣三層碧玉支紅闌剛倚綠梧枝偷窺雲母圍屏薄潛伺星妃步輦遲隔座微聞花氣息繞廊暗想雪丰姿明知璧月朝難

天眞閣外集卷一

三

見癡對青天立幾時

明明可見似銀蟾只禁疎狂逼畫檐縱少猜嫌宜引避偶貪遊戲實矜嚴輕衫着後無心換團扇題成信手拈偷許朝朝窺素影未妨常隔一重簾

新晴

丰姿瞥見更傾城衆裏纖長最著明翠窾羞攏金釧影畫簾驚墮玉釵聲貴人原自肌盈質妃子何慙骨細輕一種大家風範在暫來門巷看新晴

和美人扇頭韻

人似青天近霄遙相思早暮兩回潮風偏有力香親染水最多情影慣描車響乍通雷隱隱簾痕斜劈月條條巫山更在蓬山頂雲氣纔容到半腰

紀遇

驀地嬌羞不自禁銀鈎卻下繡簾深尋常難得花枝笑咫尺微  
聞玉佩音半面向人猶掩斂回身何事獨沉吟眼波便是秦臺  
鏡照徹狂生一寸心

桃谿重到月痕移簾眼參差望眼癡鏡影難憑方寸竟聞情曾  
訪濟尼知蓮須水落纔逢藕柳爲風狂已亂絲此是昨朝相見  
地悄無人在立多時

藏卻深情露卻才綠窗蟲影太低徊裏詞竟被全猜着猶語偏  
乘不備來蠟燭乍燒心已見魚書臨發口難開從今緊閉看花  
眼每到卿前展一回

意外逢歡倍可歡小屏山角路漫漫月依詹樣初三細春減腰  
圍尺六寬背影乍搖珠絡索笑聲徐近畫闌干九天咳吐隨風

落那得傾身化玉盤

天真閣外集卷一

四

一折回闌亞字雕綠荷風引見雲翹半遮蜥蜴金跳脫小立蜻  
蜓玉步搖不爲聰明爭解怨絕無羞澁是真嬌持裙尙恐終仙  
去更倩紅鸞繫紫綰

一日何妨見百回一回經眼一心開平生已願低頭拜險計猶  
拚折齒炎敢道看花非好色早知擲果爲憐才遠山眉黛天然  
秀那是相如畫得來

病耗

一春吟苦病懨懨步履新聞出畫檐笑賭秘書常潑茗戲拈險  
韻反題鹽清歡久謝雲爲癡素豔真疑月滿簾識得檀郎情性  
潘畧通私昵便矜嚴

寫真

曉鏡勻黃特地妍風神追寫未笄年見人偷眼頓低首爲我回  
身恰比肩明慧最諳姑性格溫柔曲體壻矜憐阿侯姿貌渾相  
似些子爭差笑麝圓

蕩舟小秦淮

幽谿曲折蕩蘭橈夾岸花深路一條秀麥時光猶擁背及瓜年  
紀正垂髻半鬆雲鬢眠初起履受星眸意欲消忽憶真人天際  
影此心已恐負丹青

題扇

水晶簾捲鏡臺安曉起簪花露未乾衣蘊奇香防母覺面留眞  
色儘人看輕軀細骨偏持重鬪齒愁眉也帶歡偶憶郎詩悵儂  
意泥將小字寫水紋

蓬山處處月淒迷窈窕流鶯恰恰啼杜牧看花曾有約冬郎吟

天眞閣外集卷一

五

草半無題宿緣最喜蘭爲字歡緒從拚絮作泥換取定情團扇  
子春風常似玉纖攜

消暑詞

小謫人間萼綠華墻頭愁見石榴花洞房如雪簾如水爭及瑤  
池阿母家

粧臺花露尚沾濡趁箇朝涼雲髻扶生性梳妝非草草不嫌妨  
卻睡工夫

隨意疎花插戴成花枝顫顫若風傾玉搔頭上雙蝴蝶翻教人  
看作像生

翠紗衫子雪瓊瓏坐背風前意態慵猶恐玉肌人看見輕綃一  
尺袂當胸

蘭窗午倦寢回遲對鏡花刪半鞦韆一線枕痕紅未退怪人半

晌看儂時

細喘嬌吁出浴初雲鬟依舊似新梳香融汗粉羅巾拭越顯肌  
膚雪不如

荷風幾陣引新涼吹滅熒熒畫燭光恰好紗窗開半扇額邊斜  
月注嬌黃

人語花香辨不清水明簾捲夜雲輕行來仙骨姍姍甚暗裏遙  
聞玉釧聲

情苗

月華如雪露華濃尋徧闌干隔歲蹤祇覺東風蘇病體難遮西  
日駐歡容燈花刺眼雙苞結帶子驚心一寸鬆除卻寒衾溫舊  
寢春來無事不嬌慵

玉梅花下乍回嗔卻悔頻年跡未親出意爲卿書扇子傾心喚

天眞閣外集卷一

六

我作才人枕函私結聯環帶香餅潛薰墊角巾從此一泓清澈  
水東風吹起綠鱗鱗

寒夜

綃衣初出洞房門比玉生香比雪溫星眼暗擡人不覺風情畧  
逗語無痕晚粧偷得元蟬影春寢逃殘粉蛭竟何處着卿蹤跡  
好梨花滿地月黃昏

簾櫳悄悄月冥冥斜背銀缸倚繡屏四面圓渾金跳脫一心穿  
透玉瓏璽爐香細慰寒衣煖茶霧濃薰睡眼醒猶恐夜深人苦  
讀故拚風露隔窗聽

密意

待不肖冤不自禁乍黃昏又閣輕陰背燈伴溜搔頭玉隔座親  
舒纏臂金竹小苦無棲鳳力花舍先有許蜂心九天屈注銀灣

水抵得恩多未抵深  
意外歡期意倍開雲軒忽降九層臺正愁漢使乘槎斷卻訝神  
娥浴雨來衆裏更詞偏捷悟人前嬌眼不輕擡明知相守原無  
益且得隨卿坐一回

新年詞

新年和氣護窗紗寶鏡臺前落彩霞低髻恰籠如意玉高情抵  
插素心花妝梳雅澹偏傾國禮範從容本大家暗自喜懽佯面  
覲紫蘭爭祝早抽芽

剪燭春宵射覆工相思骰子賭瓊瓏眼波敏捷迴身彌脅語聰  
明對面通險計欲拚孤注博良媒擬策賜緋功此生定有雙飛  
分落手全益轉六紅

九天珠玉墮雲端花裏潛蹤路渺漫倖倖下風蘭氣息低徊昨

天真閣外集卷一

七

日畫闌干笑聲尙帶紅絨落瘦影應憐翠袖寒甘爲立殘虛幌  
月待他徐照面痕乾

靜志

有時歡笑有時鬢畢竟相親可算親處極并忘容絕代情深始  
覺禮拘人生世世卿憐我暮暮朝朝女是神不及畫闌東畔  
樹花開常傍鬢邊春

幽窗

靜掩紅窗鎖綠筠烏龍高臥雪狸馴飛花幾誤魚吞影密葉纒  
容蛻過身得伺機緣情轉怯肯擔驚恐處方真風帆開到中流  
轉也勝江干坐守人

五更

洞房春喚萬花香半似分明半渺茫燭影乍遮金翡翠簾紋親



展紫鴛鴦停雲低閣三分雨飛雪深披百沸湯正是五更寒徹  
骨月華如水滿匡牀

小印

瑤臺何處著纖塵着箇飄然咏絮人天上碧桃偏帶雪洞中珠  
樹不知春閒情屢說元才子雜事羞提漢秘辛偷下蟾宮脩鳳  
牒自鈐小印號長眞

夜深

南斗參橫北斗闌熏鑪幾遍焚沉檀依依送別花間暗快快歸  
房露下寒乍拭粉痕肌愈白暗騰酒暈頰微丹玉郎何處潛蹤  
到重剔銀燈一晌看

繡鞵

六曲圍屏換晚妝倒提金縷學南唐鮮明乍脫春葱手滑膩猶

天眞閣外卷一

入

聞玉筍香合德雙趺偏宛轉宵爨半月費裁量單鳥分與郎收  
拾省得摩挲滅燭狂

密札

綠窗親寄訝紅箋十顆明珠抵萬千秘字不教畱札尾開函先  
屬背人前團香作炷要盟久刻玉爲錢卜事圓若使常娥推不  
管上頭還有碧青天

別恨

懽愛方濃別恨牽三生祇結十宵緣香絲剪後雲鬟亂羅帕封  
來粉淚鮮花裏俄延悲悄悄寢中尋覓路緜緜遙知此後紅窗  
月一度思量一惘然

仙降

九疑仙子七香車親降羊權處士家風起路傳花氣息日高簾

射玉光華詩纔入手眸凝水酒畧沾脣臉泛霞贏得墻頭邨婦  
滿竹籬茅舍見瓊葩

書窗卽事

妝成手整藕絲裳立到琉璃硯匣旁腕玉特因磨墨健口脂頻  
度念詩香誤翻古帖尋花樣偷接私緘解佩囊同學二王書法  
媚被人猜是仿檀郎

午睡

鐘聲催月轉堂均殘髻拖針線未拋暗曳衣衿知密約輕鉤履  
烏訂先交梅陰已落更番子豆蔻猶含百結包一朵紅雲看不  
定纔移眼尾又眉梢

紀寢

昨宵春瘦太分明乍領懽娛乍啣驚華褥安時釵暗墮羅襦解  
天眞閣外集卷一

九

後燭羞擎心忪早樹啼烏影膽怯虛廊步鳥聲奇絕大都危絕  
處仙游纔得到蓬瀛

辟寒香煥綠熊茵滑稱凝酥轉側身枕畔昭儀珠作月幃中甘  
后玉生春歡稱何止卿憐愛低語還防婢欠伸回憶向來翻似  
寢矜巖意態是何人

碧桃珠露潤無痕一夜仙源百夜恩斜月預通花徑路輕風偏  
打畫樓門衣聲繚繚塞帷緩香氣氤氳戀被溫玉洞明知難再  
返且申密約近黃昏

立夏日作

簾前春事柳絲飛簾內春人較瘦肥趙后身輕宜入掌沈郎腰  
細不勝衣弓鞵窄得無三寸錦帶量來減一圍天賜良緣憑玉  
杯雙雙輕重恰投機

新妝

素娥新換紫霓裳十二珠簾盡放光骨節非關金珮響花枝翻  
借玉肌香夜珠神彩能離合春柳苗條不短長內裏輕衫齊揭  
起天生原愛澹梳妝  
洗卻濃姿更出塵十眉圖樣自翻新從來窈窕傾城色定屬聰  
明絕世人三起三眠知柳重一顰一笑比花真爲卿別製閒情  
賦要與陳思賂感甄

可人

春思春愁攪不和櫻桃花下一回過卽看背影難描畫卻露神  
情教揣摩圍帶早從歡日減衣香偏出靜時多卿心如柳儂心  
水其奈東風蕩漾何

邢尹誰當第一儔最矜嚴是最風流語緣性巧常傾座酒怕顏

天真閣外集卷一

十

頰畧舉颯仁展畫屏微着眼卻拈羅帶旋低頭黃昏幾陣芭蕉  
雨又被遷延半晌兜

慰詞

回廊一扇海棠陰骨任低枝碧玉簪險計極歡惟握手驚寬無  
淚更傷心耐煩莫廢磨鍼鐵剖誓休忘約指金記取博山爐內  
火百年溫喚要如今

同病

日來同病更相憐靈藥偷將玉合傳不比懷香防易洩只難量  
水爲親煎情絲宛轉牽如藕心蕙分明苦似蓮若許玉容偎貼  
久神方何必艾三年

嬌妬

驀地生疎背畫闌一分推避一分酸妬情纔顯真恩愛莊語能

通暗喜歡踏月要防中婦覺眼風休對小姑看乍來花下低聲  
問昨夜新涼可着寒

要試檀奴一片心忽然調笑忽深沉花中望見佯佯去月下聞  
聲緩緩尋徐斂歡容渾不采屢排令語故相侵此身恰與風鶯  
似直被柔絲七縱擒

妬媒

燕妬鶯猜要避嫌近來行止倍矜嚴描成花樣慵針黹鎖定眉  
痕對鏡奩倚柱有時情怏怏扶牀終日病懨懨明知窗外檀郎  
過反託關窗一捲簾

只隔歡娛不隔情隔牆苦苦送鶯聲奇香透體聞先醉輒語關  
心聽倍清紅紙浪裁書百幅黃昏空剪燭三更朝來百計圖方  
便纔得簾前一度行

天眞閣外集卷一

十一

一對聰明小鳳凰憑他猜作野鴛鴦行間字裏心心印眼角眉  
梢面面防飛語難禁人偶中虞詞休認婢無妨金堂妬目如城  
遠始悔從前太審詳

忍笑

丰神林下態河洲不爲情迷骨豈柔窺到雪肌微掩斂引開翠  
靨漸風流兩行燭暗人聲細一陣香濃佛手揉提起去年今日  
事紅腮無處躲嬌羞

曉露

湘簾窈地絳雲裁寂寂鸚哥幾遍催侍女偷攜團扇去小郎私  
泥解圍來寢中喚起星眸濫背後驚回秀靨開最是殘粧難得  
見暫停梳洗向妝臺

生辰曲

銷瑟華年似水流，顏猶帶嫁時羞。裊中蜥蜴歡痕褪，髮後蟾  
躑齧印畱戶。耿玉繩逾半夜，簾霏金粟近。中秋盟香共拜，如環  
月穩取團圓在後頭。

蹤跡

畫簾鸚鵡偶疎防，偷近粧臺看晚粧。鬪葉互翻雙陸譜，簪花教  
寫十三行。嬌暝偏喜逢卿，怒歡難禁對婢狂。熟徑不愁行觸  
瑟，等他秋月下迴廊。

瑤緘

玉郎苦索定情詞，幾拂花箋下筆遲。女伴忽來當面笑，儂家那  
有背人時。私書頻向窗中展，秘藁偷從枕上思。只是尋常調笑  
語，一經香口便成詩。

玉恙

天真閣外集卷一

七

藥爐烟曩篆，絲料壓體濃。香翠被紗繡枕，卸頭猶擁髻。銀匙顛  
手自擎茶，犀株鎮定。恁還甚，蟬瘦潮迴熱。轉加雪白梨花，凝兩  
頰。從中一朵泛桃花。

小堂

小堂秋氣不勝寒，待得人眠月已殘。燈下剪刀聲未放，窗前指  
甲響輕彈。料卿步屣關心聽，知我房櫳躡足難。猶恐旁人猜妬  
起，隔窗先自坐更闌。

呵侯

驚心妬眼列東西，幽約心齊事不齊。恐益悲愁顏愈冷，遙猜蹤  
影首先低。私緘微示紅牋，露密坐懸將翠袖，攜戲逗阿侯啼笑  
起。卻探繡襦挽柔荑。

可恨辭

中道風波暫毀粧，紡聲淒咽近長廊。  
小憐著布光迎面，蘇蕙回文曲寫腸。  
玉色要防西日曬，雪膚爭受北風涼。  
可知一寸相思意，隨著車輪百轉忙。

垂簾作節雨蕭蕭，苦隔相思又兩朝。  
弱綫定隨情緒亂，寒燈應帶淚痕拋。  
坐來自分身難近，別後無如骨暗銷。  
記否去年飛雪夜，鬢爐心字共香燒。

擣麝爲烟玉，作塵當時形迹悔。  
教親姊歸空喚春江渡，姑惡方鳴暮雨津。  
盡道得愆由薄倖，翻稱無福近才人。  
隔窗聽得消魂語，越不相逢愛越真。

不見含愁見耐驚，一波纔息一波生。  
王郎已占癡頑福，石尉偏多恚怒聲。  
轉爲情深招分淺，自蒙恩重覺身輕。  
明眸兩剪如秦鏡，那用牋書表至誠。

天眞閣外集卷一

三

宜男小像供難眞，供箇維摩示疾身。  
蕭女精誠惟繡佛，靈芸指爪是針神。  
巧憑翻譯傳情事，頻屬詩詞避熟人。  
心似水沉香一縷，隨風委曲幾時伸。

刻意防閑斂翠襟，隔簾消息太沉沉。  
諛辭未必非讒口，詭計何曾是吉音。  
身在妬叢潛制淚，人來歡處默關心。  
自從聽徹琴聲夜，已把相如當奠砧。

破除纔盡又繁牽，如此相思命在天。  
趣入形骸能解脫，欲關情性最纏綿。  
蠶絲自縛重重繭，螭燭空熬寸寸煎。  
回憶未成歡愛日，一泓清澈在山泉。

欲扣瑤閭夙因醉，中心膽近天眞。  
千秋恨事花三月，四海知音玉一人。  
無可奈何身向佛，不曾眞箇寢爲神。  
抽刀欲斷東流水，又被風吹漲綠鱗。

蘭舟紀遇

半欲天晴半未晴，百禽鳴處變春聲。樹離圓嶠珠先落，月見方諸水自生。愛極翻教成怨恨，悟來始悔忒聰明。無情最是隄邊柳，眼看桃花帶雨傾。

只在波光滄蕩中，櫓枝無力忽西東。難從白日迴驚電，反恨青天轉順風。燕子逼簾時遠近，桃花隔竹更瓊瓏。如何十二峯巒遠，只與闌干一抹同。

丹誠

桃花輸豔雪輸明，說阿侯時便說卿。恐露悲愁增別憾，強爲歡笑狗多情。矜持已被人猜料，疎遠還防事變更。一任浮雲翻覆手，總難離間到丹誠。

豆蔻梢頭月一鉤，照人歡喜照人愁。三年已受登壇慶，九死終拚抱柱謀。敢望犀帷充面首，空分鸞鏡掛心頭。贈卿一把珍珠淚，好作金釵鈿合收。

玉樓

一聲玉笛倚瑤臺，風蕩風蕩珠簾扇。扇開祗恐君看猶約畧，不關儂影太低徊。遠聞香氣和花亂，微接音辭帶笑猜。欲覓仙人來往迹，石堦無縫長春苔。

已聞春病與花疎，又值楊花撲面初。怨極寢寬思越禮，愁來情性悔知書。運舍苦意才成實，竹有深心可奈虛。欲寄綵箋消息去，侍兒誠僞定何如。

紅滴胭脂翠滴螺，有人清影獨凌波。似從明月飛來遠，卻比輕霄豔得多。珠箔儘教花掩斂，畫闌偏受玉摩挲。春蕪一被傾城體，應使人間薄綺羅。

五銖衣薄剪元綃越襯肌膚雪易消靜裏忽參覓黛浩笑時反  
助鬢花嬌無言早信丹誠達着迹纔須綠綺挑但使常娥心暗  
許未妨白日對青霄

卽事

梳勻纔了畫闌憑雙鬢安花百媚增爲是玉郎親折贈碧桃除  
卻換銀藤

小園春早露華香偷搢晨葩助曉妝如雪花枝如滌鬢碧紗窗  
裏翠衣裳

眼耳叢中分限清敢將平視效劉楨低頭只作枯禪坐暗看蓮  
花貼地生

拜月盟星坐徹宵日長神倦苦無聊雙眸忽地清如水對著芳  
姿睡思消

天眞閣外集卷一

十五

簪花楷格似人妍下筆明珠箇箇圓除卻答郎詩句外不曾輕  
易落雲牋

淚珠和墨寫成書詞令風華綽有餘但使玉臺司筆札也應喚  
作女相如

水晶簾下恣窺張半臂纔遮菽乳香姑射肌膚真似雪不容人  
近已生涼

鴨爐心字守香盟一紙私書百種情放著今生綠未了思量又  
要訂來生

願作鴛鴦癡未成肯擔驚恐始真情忍將絕世才兼貌草草相  
思過一生

情絲細剪與檀奴纖軟纔離膩玉膚何物生香堪配取梅花心  
裏數莖鬢



無題

青粉墻頭日易沉，每來一刻抵千金。  
眼波頻遣覓搖眉，語能通思歎深。  
靦面歡愁先在意，病軀寒煥總關心。  
此生脫屣功名想，願學雙飛水上禽。

偷贈新詩妙絕倫，平時拈管卻瞞人。  
才偏不露方爲大，情到能癡始信真。  
欲表素心頻送睽，難通私語只含顰。  
何愁團扇秋風起，比目雙身是一身。

火繳當空不可行，別來十日抵三生。  
可能眠食如前勝，畧覺風姿比昔清。  
縞素衣裳逾嫵媚，尋常言語盡聰明。  
幽窗儘許俄延坐，飽聽青荷酒雨聲。

恩重惟拚一命酬，狂心那復恤嬌羞。  
行雲神女難爲夜，奔月姮娥自耐秋。  
驕好惜無痕可記，香消還有誓長留。  
兩情但使如金石，不作鴛鴦死不休。

天眞閣外集卷一

六

慰箇人

已苦鴛鴦銷翼分，祇留弱息慰文君。  
罡風又奪明珠去，從此孤身似片雲。  
往事前塵付逝波，何須清淚滴銀河。  
仙家瑤草原無種，不似桃花結子多。

維摩示疾誌感

天女雲軒下碧空，維摩丈室頓春融。  
悄移畫屣防驚枕，微揭紗幮恐透風。  
有淚但看含脈脈，無言祇索去匆匆。  
再三珍重臨行意，只在橫波一轉中。

無題

天女凌華婉，神人韓子湘。  
奇緣逢漢浦，宿分阻高唐。  
交甫曾投

珮雲英可乞漿屢通姜氏信總怨阮生狂目語當窗送琴心隔  
座商事雖殊卓女情早許劉郎佳約常敲月幽期每犯霜步聲  
纒蹀躞簾額已飛揚欲露全身影先舒半面妝來時窺了了見  
後走佯佯實怨身難近聊稱禮自防潛裁紅錦袜偷送紫羅囊  
好句奩中繡私書袖底藏他生期峽曉來世效鴛鴦瑤札頻催  
試繡錢暗潤裝臨歧顏黯慘遠送意傍惶歸嚮紫珠帳輕身到  
玉堂暫回辭弱水小住覓柔鄉芳意寧知變仙蹤不可望無由  
排窰闌空自繞脩廊寒霧迷金屋飛泉障石梁摩抄存舊物思  
憶啓緘箱戚氏彊環重麻姑指爪長青絲封一握素紙擘千張  
烏鰂盟猶在紅鸞願豈忘卿誠薄韓壽我肯負蘭香文冑針雙  
縷繁欽淚兩行明星昭密誓曠日鑿迴腸剖腹難陳訴題詩倍  
惋傷丹誠如不滅片語報王昌

內人指甲

不愛勻黃不染丹生來偏喜近豪端只因久慣拈花後落剪依  
然氣似蘭

附錄

席佩蘭

摻摻指爪脆珊瑚金剪脩圓露雪膚付與檀郎收拾好不須  
背畔倩麻姑

書所見

環珮璆然臉暈潮露華噴著海棠嬌愁他燭影搖紅裏映得梨  
花暝欲消

重認

重認天台路不差花中豔煞碧桃花人間無此嬌紅色除是青  
天一片霞

別棕

九十鶯花日日忙行歌到處識清狂曾無齒受金梭折舊有才  
蒙玉尺量仙籍可能通弱水詩名早已播柔鄉終拚奪取芙蓉  
鏡送喜粧臺玉鏡旁

九州纔得一知音况是聰明絕世心直謂才華無我敵每將詩  
句背人吟私書縱寫愁空闌別淚難流恨始深只有丹誠期報  
答不逢君更不彈琴

寄遠

畫樓煙雨潑雙湖六六鴛鴦對岸呼爲問語見亭畔柳春波綠  
似去年無

舟中月夜

蓬窗深閉奈愁何恐見姮娥愁更多此際夜明簾底月有人無

那注橫波

題閨人團扇

秋天薄如紙欲飛秋雲亂卸秋羅衣碧空無人紫簫響靈風來  
往皆真妃月中素娥面如月青女霜中帶霜骨清氣都乘白帝  
凝冰心共守青天湣相對嬋娟秋夜長看他織女度銀潢月作  
明珠來贈嫁霜爲鉛粉助新妝須與花發黃金粟玉杵搗香香  
萬斛紈扇遙開三界聞霓裳舞散諸天馥分明擎出一枝斜要  
與人間富貴家贏得少年齊仰首不知若箇得簪花仰家扇子  
清風發濕若秋霜嫩如月欲識雲中縹緲仙先參畫裏芙蓉闕  
霜月同時藻鑑開一雙仙影下瑤臺意中早有探花客故著青  
衣仔細猜

天真閣外集卷一

燒香曲

紅窗十二扇明紗喜鵲催成兩鬢鴉背影瓊瓏俱絕世才情宛  
轉總宜家工詩慣削檀郎草解語親擎繡佛花手蕪水沉香一  
縷月輪心事鏡年華

紅樓

聞聲觀影盡聰明心似荷珠滴滴傾新月痕留眉際澹幽蘭香  
自骨中生呼爲才子名俱豔供作觀音畫不成隔着紅樓親下  
拜可憐情重覺身輕

附錄原作

樓際秋光分外明簾波曼娜帶風傾未甘綠鬢隨時改辛苦

天眞閣外集卷二

黃花太瘦生搗管比人偏緩就買絲繡佛喜初成朝來親把  
爐香爇煙篆紫衣一縷輕

九月見碧桃花

記得花飛洞口天重逢又值小春前芳心更比儂情熱那忍相  
離到隔年

書悔

過後思量百悔遲昨宵當面錯良期玉盤諫果親傳出瑤札情  
惊密遞知躡蹟潛教人靜後卸頭明示睡來時如何誤會消寬  
意半晌綢繆只論詩

夏曉

似聞蝙蝠拂簾旌手攬銖衣笑出迎一種風情初睡起半偏雲  
善未梳成眼波鉤去寬先蕩心火然來膽易驚身願化爲珠露

點天風吹向玉盤傾

林下

洞房香霧氳朦喚起惺忪淺癡中直與春風俱澹蕩若臨秋水更瓊瓏前身合是沉檀化到眼能教粉黛空纔見蕭然林下品一經芳澤便雷同

瓊珮珊珊落九霄珠圓心事玉華雕生成仙骨非丹換朗徹神情要白描浴罷不愁雲鬢亂燈前還怕雪肌消料應除卻盤龍鏡那得人間有三喬

徹底聰明藕共蓮情深何礙舊生天吹來語氣香如佛脩到身旁坐亦仙絕色也敦名士品奇才只受美人憐佗生願化雙胡蝶一繞衰邊一鬢邊

銷瑟年華似水添紅蛛送喜鵲巡簷春痕宛轉衰雙幅秋影澄

天眞閣外集卷二

二

泓月一簾戲咒燈花佳讖卜楷書貝葉小名簽芳心託付消覓處只在眉尖與指尖

憔悴秋容怨小春碧桃花裏露羊神乍寒繡幕容通語畧近粧臺卻斂身莫訝至情翻似客可知相敬本如賓無端一點關心處還愁旁人看得真

驚才絕豔總緣情百節疏通百媚生便到中年仍絕世但畱小影足傾城月安眉際三分曲秋在心頭一字橫長笛自吹花自落不知何事又干卿

意中人

萬樹天桃百囀鶯意中別有最傾城神樓縷縵身難到心地空靈目已成水月鏡花偏可戀衣香人影總多情埽除倚翠偎紅念消受相思過一生

樓前花放下樓行態自矜巖體自輕語出眉梢須領會波生眼  
角定聰明羅襦難掩肌香透紈扇猶綠臉暈擎越近中年人越  
豔半關風韻半關情

畫堂前後寂無人逼近丰容看箇真那料窗中先着眼卻逢簾  
底乍迴身爲卿來意情應會教婢傳聲語實親平日持家風格  
峻不曾輕易露微顫

不是琴挑卓女絲不關天壤恨凝之若論才調原如壻祇覺聰  
明獨讓伊過眼風情俱是約真心恩愛本非私愁來只怨天多  
事偏有今生見面時

### 索書

玉纖親舉墨隆隆索寫簪花仿帖工着意防閑簾幙外關心燥  
溼硯池中深情暗託雙鉤遞私語潛憑一字通絕妙人前畱客

計教儂端楷莫匆匆

天真閣外集卷一

三

### 芳姿

灑闌千里渺相思說與西風總不知一片落花人去久二分明  
月客眠遲事經可喜皆如寢情到無聊便是癡青粉墻高在天  
上卻書團扇寄芳姿

### 寒繡詞

一點芳心不忍瞞買絲親繡與君看金針竅本瓊瓏透綵線紋  
都宛轉盤燈影挑殘花絡索釵痕刻到月闌干拈毫呵盡冰壺  
墨未報寒窗十指寒

### 曲題

曲闌風定雨初晴瞥面花光識是卿弱腕一雙金釧重頰雲千  
二玉釵橫色蕉儘可藏人影鸚鵡剛無喚客聲不敢塞簾通一

顧恐教着眼太分明

疑棕

千呼萬喚隔簾旌未肯回眸一笑迎此地不應猶碍婢平時始  
悔錯憐卿偎依轉傍生人執擘分翻緣熟極輕那怪幼輿遭折  
齒東家鄰女本無情

仙蹤

十二瓊樓境宛然杏花親折玉臺前愁痕祇覺雙眉重春氣偏  
增兩頰妍別不多時看越好怕無人處見猶憐東風一覺流鶯  
驪又報紅窗柳脫懸

明珠捧出價難論築玉丰姿剪雪痕小字呼來仙有骨雙眸着  
處佛消覓偶臨淺水教花妬若化輕雲定月奔一粒江南紅豆  
子還依芳草長情根

遠歸奏記粧樓

天真閣外集卷二

四

紅樓咫尺是蓬瀛手展文窗扇扇明裊帶早徵三日解羅衣特  
爲一人更花陰匝地常如水雲氣漫天忽漏晴坐久思量才省  
得分明來便出簾迎

經過瞥眼畫樓中來是無言去又空情在不言須領會事除有  
迹盡通融自描素影花雙箭難縮藍橋地一弓但得朝朝見明  
月也如身到廣寒宮

贈春燕

覆額輕雲覆體紺風前搖曳正苗條儂心自爲香蘭醉嗅得蘼  
蕪意亦消

染翰朝朝侍鏡臺簪花仿格許親開鄭家柱誦葩經熟未帶溫

柔福分來

衣香

玉雪狸奴感主恩，當簾深護洞房門。  
柳膏人抱疑無骨，梨頰人怕有痕。  
何處星辰移碧落，此時風露近黃昏。  
歸來不敢人前坐，衣上餘香一月溫。

聲影

一聲玉笛海天空，十二樓臺面面通。  
人影與梅同隱約，月光兼雪更瓊瓏。  
生香忽起疎簾外，私語偏聞小閣中。  
真箇消魂原是假，賺他燈蕊結雙紅。

心香

十二紅窗手展遲，能爲語目通辭柔。  
鄉福分輪卿壻絕世聰，明足我師水底更無容。  
藕處泥中或有見，蓮時丹誠一片何由達。  
願捧心香拜茂漪。

夏夕

天真閣外集卷二

五

蟬翼輕衫杏子紅，紗巾浴罷出簾櫳。  
風扶綠水蓮初起，雲讓青天月正中。  
香氣似傳肌細膩，光華翻逼眼朦朧。  
無端惆悵無端喜，一度憑闌幸不空。

盛暑

徹夜難安小閣眠，消魂人處尺書傳。  
緣知弱質支離苦，卻累深情宛轉憐。  
蠅蠅有心偏煖熱，藕絲無孔不纏綿。  
分明一紙相思字，抵得清涼萬斛泉。

惆悵

當年小住鬱金堂，一折屏山近曲房。  
夜月潛踪聽響屐，晨葩偷搯供梳粧。  
百愁對我歡成笑，十索瞞人苦要償。  
今日藕絲風剪斷，相看單道莫思量。



昨朝仙佩下江臯贈我丁香百結繚似訴隱腸難解繫不辭纖  
手爲親纜纏絲正好籠梳髮宛轉何從落剪刀一綫深恩重掛  
起鬢絲撩亂玉頻搔

曉睡

桃笙難得一宵宜偏是郎來妾起遲連夕可曾成穩睡此時何  
事觸炎曦花浮磁盞霞猶溼鏡掩粧臺月未移翻把羅幃低放  
下玉肌消減怕教知

晚粧

最高樓閣倚雕闌一種光華射月寒心有幽期要佛證身從明  
處任郎看芙蓉墮響連雲重蕉爲裁衫映雪單恰是不曾當面  
錯料應歡意似儂歡

病訊

日炙紅酥汗體香玉人小病倚銀床心如蓮子中間苦面帶葵  
花一半黃小婢那知窺喜怒庸醫枉自臆溫涼君身便作靈芝  
藥只許儂看不許嘗

贈花

小朵華鬢向夕開玉纖親摘賜粧臺要君覓瘡都香透似我肌  
膚得傍來倘置仙鬢薦亦好便將佛座供應該他時憔悴終憐  
惜况捧鮮妍雪一堆

恩波

受恩容易報恩難在深情事事瞞憐我病軀如壻弱要郎珍  
重使儂安語經述口猶香氣影亦消覓耐細看今日露華濃似  
酒始知身自作荷盤

仙人

姑射仙人碧玉家一泓秋水托輕紗常緣養病兼鋤藥偶罷燒  
香爲護花垂帳怕聞燈氣息懸珠自放月光華饒卿靜極難遮  
豔臉際橫波接媚霞

翠菝

翠菝新看一瓣生鸚哥喚後獸環鳴羅衣耐執皆緣我茗椀先  
涼最感卿衆裏眼波潛送媚閒中口角總關情炎風如炙雲如  
火值得今朝觸暑行

天台圖

桃花流水影參差剛是胡麻飢熟時笑語暗聞天上落星辰偷  
向月邊移授來靈笈須頻檢捧出雲漿未忍辭身到人間增悵  
惘石梁臨渡合遲遲

梳頭詞

天眞閣外集卷二

七

委地香雲散不紛何曾露盥與蘭薰風前自把輕紈扇扇與檀  
郎仔細聞

炎曦不耐挽雲堆巧髻分梳螳翅開自出儂家新樣子要將名  
色試郎猜

嬾梳雲髻太叢叢挽箇家常髻似螺一幅白描南海像只差蓮  
瓣瘦凌波

玉色瓊梳兩不分鏡奩都作月波紋水晶簾子風微卷一樹梨  
花一朵雲

咏協蘭閣茉莉

濃香五百朵齊開繡閣分移到玉臺自是芳心工選擇更逢仙  
手善栽培晚風勸插高堂鬢餘雪從教滿案堆聞道城南秋水  
婢奇書翻爲索花來

謝女

五尺輕綃曳珮裾天然清水出芙蓉人緣傾國光常斂仙亦宜  
家俗自除曠世一空脂粉黛中閨三絕畫詩書若將玉尺量才  
子正恐相如愧不如

懊儂

最好無情最苦情思量百恨總情生恩深要斷他人寵癡絕求  
堅隔世盟月爲速圓翻易缺風纔微順又兼橫聞塔一縷沾泥  
絮曾同樓頭赴蜨輕

知己

彈徹我箏響雪琴三生石上少知音一雙仙珮殷勤下十里桃  
花曲折深授我神方皆上口負他鬼謗亦甘心酬恩剩有瓊瑰  
淚灑作秋空片片陰

天眞閣外集卷二

人

秋懷

仙露冷冷滴晚葉隔江消息近何如天長祇許同看月路遠還  
防錯寄書蝶寢人耶人寢蜨魚知我否我知魚凌風欲趁如船  
藕一叩瀟湘帝子居

露立

西風刀尺幾時休盼煞青天月一鉤燕剪原知多宛轉蠶絲祇  
恐太稠繆言無人達難成信秋上心來盡是愁苦立夜深涼露  
下遙陪燈火玉樓頭

香寢

月華如雪滿瓊樓樓上齊懸翡翠鉤雲氣空濛連渤海花光離  
合是羅浮洛神自許遮須國織女曾逢博望侯身惹玉爐香不  
散醒時翻替寢時愁

夜過妝閣

相思不見還相覓三日休嫌兩度來無月且將明燭代有花須  
趁好時開冰盤捧出經仙手綵筆吟成自主裁爲報維摩秋病  
起願隨天女進霞杯

玉臺

玻瓈爲障玉爲臺一點靈犀自辟埃花片欲隨雙管落詩情都  
傍九天來粧臨秋水清無染瘦與湘雲撇不開事事要如明月  
滿昨宵眉影畫剛裁

附錄原作

鮮妍秋色映樓臺那用文犀爲辟埃半世閒身詩裏過十年  
清福病中來蘭窗紗影和香坐雲鬢花枝對鏡開未覺人間  
羅綺好布裙喜是嫁時裁

飯依

天真閣外集卷二

九

綵雲飛下十三樓俏立屏山最後頭離客香風纔一尺照人秋  
月是雙眸瘳聲臨去訛中婦笑厖微圓認阿侯我已飯依仙座  
下見花無那轉含愁

秋九卽事

雲母屏開曉鏡移綵鸞如與玉蟾期花依瘦骨工摹影酒入歡  
腸不透肌仙珮遠聞鳴琥珀神光早見徹玻璃深情要似香爐  
火熱太心焦煥最宜

再奏粧樓

管夫人畫易安詩二妙能兼冠一時清淨福還分增享溫柔情  
恰與家宜樓高碧落心同寄秋到黃花影獨知自有閨中千古  
在漫勞王母賜金卮

常娥

本是常娥一輩人木樨開日作生辰大江南北無其偶明月中  
閒着此身筠管著書偏自富荆釵絕口不言貧直將冰雪都消  
淨秋水空靈爲寫真

隔水樓高

思君不見且尋君隔水樓高未夕曛正欲與言三夜癡祇餘迎  
面一窗雲竹陰深護湘簾碧蘭氣微沾茗盃芬手拂銀墻畱句  
在好教惆悵到宵分

懷遠

吳山青接越山青愁思如雲入杳冥鏡影已看虛一月香盟猶  
憶對雙星採殘詩草書難寄挑盡燈花光不靈癡裏相逢了無  
益秋來况是癡蘇醒

花影

水中花影太奇猶香不能沾影自畱咫尺直須論萬里終朝何  
止似三秋月臨窗紙將穿眼風透簾櫳未上鉤此是最消魂境  
界蓬山何處海西頭

衝寒

相見明知枉斷腸相違無奈便思量來如江上潮通信人似天  
邊月放光風勒暗香穿小閣花迷清影轉迴廊玉池常賜雲漿  
暎那惜衝寒度石梁

護蕊

書閣沉沉閉寂寥藥爐煙影伴昏朝潛來外院金錢卜暫撤中  
厨玉膳調圍帶已隨秋月減芳心休逐夜香焦仙人手護忘憂  
草歷盡冰霜定不凋

秋夕卽事

越到朦朧見越眞，暗香霏霧細如塵。  
烟中搖曳還生玉，月裏依稀  
稀。定有人花爲遜看，須正  
面山從低處得。全身此情不  
料卿能會，始覺蘭香果是神。

翠袖

翠袖亭亭倚暮寒，手裁慈竹護平安。  
臨風玉臂嬌難舉，平日金  
條約漸寬。霜杵敢辭親和藥，  
銀匙還要勸加餐。暫偷半晌支  
頤坐，綵筆無心拂素紈。

瑤池

珮聲何日返層臺，十二文窗絕點埃。  
寶鴨暗燒心火熱，銀蟾清  
對眼波來。觴飛靈液和雲擣，  
袞拂仙葩帶露開。辛苦瑤池陪  
阿母，芙蓉雙頰減丰裁。

畫廊

鬱金堂北畫廊深，雪弄秋光月弄陰。  
殊色芙蓉偏並蒂，異香蘭  
蕙本同心。吳宮自漾珠簾影，  
楚水都含玉珮音。畢竟昭陽誰  
第一，尹夫人在不須尋。

道是

道是才人是美人，前身端是屈靈均。  
心思有孔皆生慧，眉睫無  
愁亦帶顰。夢極難將詩句寫，  
緣慳只許畫圖親。分明一片瀟  
湘水，莫爲驚鴻誤洛神。

寒阻

霜肅風淒不可行，轉緣情重似無情。  
脩成蛺蝶原孤寢，訂定鴛  
鴦是再生。銀燭幾曾知喜恨，  
金錢空爲卜陰晴。分明見面仍  
河漢，卻費相思到五更。

妬菊

鸚哥見客喚簾櫳乙字銀鈎漾好風屏影欲翔花宛轉窗光先  
映雪瓊瓏情辭遠托雙眉遞羞暈微添兩頰烘瓶菊如星看漸  
減每朝僂倖上釵叢

三婦豔

佩環宛轉下瑤京五百仙中第一名大地寒消春豔冷中天雲  
淨月空明欲求髮鬢還形影愛讀離騷見性情除卻瀟湘煙水  
上人間何處着卿卿

翡翠簾櫳透日華窗光迎面泛朝霞清癯未稱金爲屋朗徹原  
應月是家百竅舍香非豆蔻一生偏處屬梅花慧心那有纖塵  
起脆雪分明在齒牙

風韻飄飄落半天左芬才調本如仙聰明解道因風絮瀟酒真  
同出水蓮潑茗偶同開口笑擁書常不卸頭眠一春花下芳蹤

天真閣外集卷一

十一

少只在琉璃硯匣邊

病訊

向晚飛鴻報遠音玉人秋病爲誰深肝虛枉自煎銀葉背冷應  
嫌壓繡衾樓下人行還側耳瓶中花落漫經心丰容回想清癯  
甚耐過重易又到今

寫就私書欲寄難燈前翻覆自家看靈方未必全關藥軟語何  
勞更勸餐况隔重門如癡裏應防孤枕觸愁端減成依舊潛燒  
卻兩字單留是問安

寒况

淒寒事事易消翫况是西風雨打門擊楫誰迎桃葉渡捧心又  
病苧蘿邨魚鱗剖去空無信懶髓塗來怕有痕吹滅幽窗檯燭

坐不教孤影伴黃昏

有答

佩響簾櫳歷響音嫣然一笑百花開光生殿角驚同列慧辨宮  
商歎異才交頸鴛鴦親繡出隨身蛺蝶自飛來新恩暫渴金盤  
露已是椒房中選材

次韻再答

翠錦秋生玉砌苔瑤絨湘帙對香開吟成檢點無邪思曲罷傾  
輸有善才抱石自盟心不轉買絲非繡佛如來綠窗一樹孤桐  
影知是琴材是瑟材

玉尺詞

何人玉尺敢量詩樓上昭容字婉兒秋月剪眸畫萬卷春花着  
手筆雙枝捧來香氣含微露評出芳心費藕絲卻笑衛家風調

別紙將入法授叢之

玉真閣外集卷二

三

秋樓

一樓秋氣太蘇醒病起新粧出畫屏花入瘦來偏倚旖旎經眠  
後更娉婷食單尙飭中厨禁繡剪應知小閣停愁絕綠窗風影  
裏遠山早覩一痕青

玉階

望影猜聲已斷竟况容平視近中門楚天含雨常疑碧湘水和  
雲不着痕仙要幾生脩得到佛因無爾敢稱尊玉階秋草臨纖  
步翻許親承足下恩

疊韻三答

厭鬢花鈿翠似昔文窗窈窕竹間開風情別有三生拜月日能  
空一世才身為聰明常病擾光因親合覺神來幽蘭帶得騷人



性合是靈均作賦材

豐韻四答

樓中鳳屨不沾苔樓上珠簾颺日開無目亦應知絕色有情方  
許得兼才衣翔輕影愁仙去鏡遊圓光訝佛來朔雪梅花春月  
柳是卿身分是身材

展畫

西風渺渺洞庭寒環珮聲虛罷采蘭巫峽峯巒偏側好楚天雲  
雨欲晴難翩翩翾翠鳳旗空下縹緲蒼龍瑟自彈一片澄泓湘水  
在不如歸展畫圖看

誓約

寶鴨添香徹底溫思量一遍儘消魂金針刺繡連詩贈瑤札焚  
灰和酒吞年與水波看漸長事如花影過無痕鴛鴦只誓來生

約拚負深情不負恩

豐韻五答

綠窗閒閉錦紋苔落盡春燈鎖未開怕聽子規添舊恨偶翻花  
樣見新才玉屏罷算圍棋劫瑤札偏期鬪草來抱雪猶猶膽  
怯當熊終竟是粗材

迴廊

迴廊曲折遇芳蹤鬢影低圍釧影鬆西子紗衾閒自浣小憐玉  
杵偶親春愁來畧比司花女癡絕求爲賣菜慵深院日斜簾幙  
下泥人剛道是嬌慵

新病

近如蟾亦遠如蟾心自通融迹自巖極檢點時惟手札最分明  
語在眉尖乍中年紀花三月不定情悰絮一簾纔是幾朝貧染

翰綠窗又報病愁添

寒涼

一寸工夫一寸金不多時別更情深相看消瘦還如舊孤負清  
秋直到今悲喜此時難露面寒暄常語亦關心茶甌暫作留君  
計不是臨行不教斟  
爐烟搖漾奈風何似妾心頭委曲多擔得虛名招嫉妬悔因堅  
約致蹉跎雙關語秘瞞青鳥一尺身懸抵絳河剩有悲愁相對  
分不忙時節定來過

病述

十二文窗扇扇清眠悄受病中閒強將笑語酬夫婿拚得摩  
挲累小鬟蓬髻簪花翻更好叢箋堆草倦加刪別饒心事常溫  
處銀葉甜香炷博山

天真閣外集卷二

五

不知嗔燕是嗔鶯病頰紅潮一縷生有甚薄言偏往想無端失  
手又翻羹幾會喜怒輕顰笑轉爲溫柔鬱性情究意深愁難料  
着檀郎枉自負聰明

忍妬

月有方諸鐵有磁不容相近轉相思爐灰至死中心熱蠟燭難  
燒一味癡別後思量偏嚏覺來時歡喜只齊知憑他妬眼應無  
計剪到柔腸寸寸絲

偶然相見鬱金堂收卻聰明斂卻狂茗椀未妨畱熟客再爐何  
慮洩生香祇餘典午清言習那用倉庚療妬方若許天台長借  
住桃花翻看得尋常

解嘲

鸞眼小字綠箋接絳帳遙開白玉樓自是上官眞慧眼非關內

空肯低頭栽將桃李成香閣薰到芝蘭借翠簪值得旁人妬笑  
起勝他長跪見公侯

寒閨

小窗寒意晚來嚴瘦玉腰支半臂添睡思不堪將茗破病懷偏  
覺與香嫌聞和鏡影論心曲祇許爐熏着指尖正是撲簾風信  
緊爲誰輕立到瓊簷

曉堂

曉堂風格大矜嚴強起佯佯倚繡簾隱語百無關妬忌靈心一  
半避猜嫌河深未許填烏鵲天濶纔容見素蟾卻憶小屏山角  
事燭花昏暗雨廉纖

銀漢

紅樓隔雨似瀟湘梅額纔呈半面妝絕不擡頭心自會早知着  
眼願都償雲行水上原無迹風過花中已得香脩到神仙夫婦  
分未妨長是隔銀漢

書憤

絕無波處忽生瀾如此情場涉歷難本不嫌疑何用避果然禮  
法那須攔花緣香極能招蠹酒爲甘多易致酸只隔一重櫺檻  
地青天碧海路漫漫

晨粧

玉樓清曉整嚴粧坐到花陰轉曲廊乍聽鳥聲先認纔窺釵  
影已聞香偏逢外院開金鑰未許中門度石梁嬌鳥漫歌泥滑  
滑從來辛苦做蕭郎

屏山

門外鸚哥喚客來金堂親揭繡簾開重裘不改纖菁柳低髻初

圍磬口梅暗炷甜香籠麝火潛催苦茗拭螺盃此身貪與郎依  
傍纔轉屏山又折回

賦得吹氣如蘭有贈

之子如蘭質天然勝麝芬一絲清氣吐四座妙香聞舌有生花  
本心原得蕙熏轉喉先馥郁繁齒便氤氳呵罷疑成露吹來欲  
化雲人宜湘水住風自謝庭分莫認秋英佩非關午篆焚餘芳  
還竟體沾惹到同羣

春感

漸瀝西風透晚寒畫屏前事憶漫漫抱香蝴蝶竟猶顛承露芙  
蓉淚未乾緣阻自憐生我早情多方信做人難願將心化中天  
月不是知心亦與看

雨

天眞閣外集卷二

十七

一聲清脆玉鈎鳴手整鸞釵笑出迎是甚好風吹得至如何微  
雨滑能行花陰匝地都成障雲氣漫天未定晴可奈流鶯啣不  
得紅欄的的綻朱櫻  
新粧灼灼比花嬌隔雨看如隔霧綃知我欲來開小閣累卿久  
立倚疏窠鶯聲自教雙鬢度燕睇先偷四目招可是玉樓天半  
迴湘簾更復障條條

縛筆詞

翠羽離披漸不才素絲纏縛荷粧臺幾成鬢髮蓬鬆候卻費心  
思約束來墨要濃時如意態書須瘦絕稱身材從今只作蘭花  
蕊任爾縱橫莫放開

春游

雲葉爲帆藕作舟一雙神女弄珠游堤邊柳亦爭舒眼艫後山

多欲掉頭環燕任人施月旦尹邢各自占風流侍兒一種傾城  
色已是桃花見面羞

仙人

姑射仙人縹緲間乘風一片彩雲還眼波自注瀟湘水眉黛遙  
分宛委山癡好已拚星獨宿情深能使月連環分明只坐芙蓉  
裏隔着輕煙不可攀

手札

一紙私書密語溫緘封猶自帶啼痕願郎自保風霜體勝妾親  
承雨露恩隔世有盟須結髮今生無益枉消冤淒涼那忍低徊  
讀燭下焚灰并淚吞

病耗

深書閒垂窳地簾雙鬢又報病懨懨已妨聽雨三宵睡還是看  
花一日添鳳子冤靈空澹蕩鸚哥聲影亦沉潛迴廊值得移時  
立翻恨今朝莫避嫌

曲意

無意鶯啼恰恰啼曲闌東畔畫廊西未知人影香先至得近花  
光目轉迷畧罨簾旌釵欲溜似拈髮帶首旋低相逢已是空惆  
悵况更相逢未必齊

昭文 孫原湘 長真

花下

碧桃花下定相尋道我消竄恐不禁豈有容如明月好祇綠情  
比綠波深癡雲未散終成兩頑鐵能磨尙作鍼就使春殘秋更  
豔莫添無益祇傷心

情宗

惻惻東風透骨寒羅衣映雪五銖單焦心守定香邊誓忍淚偷  
從燭後彈淒婉笛聲三五夜瓊瓏花影一重闌蜘蛛送喜鶻啼  
恨此刻情悰恰兩難

邂逅

絕不相思思轉深隔年看見到如今飛花着雨猶粘樹殘線臨

天真閣外集卷三

風強度鍼事秘怕人偏料得寤醒還自費追尋如何邂逅翻羞  
澀心在郎邊眼在心

病訊

茜子紅衫水樣柔輕寒惻惻下簾鈎肌膚越顯嬌如雪丰韻偏  
宜瘦似秋爲我關心猶強笑妮他回首卻微羞但令蜜味中邊  
滿幽恨原非藥可瘳

青粉牆頭

青粉牆頭碧玉檐柳條金嫩罩纖纖似無人在空飛絮疑有風  
來忽卷簾清脆鈴聲兼語細糝餉花氣雜香甜情深那用多相  
見猶恐金堂未免嫌

雙豔詞

一樹垂楊一畫船綺羅叢裏鬪嬋娟香雖異種聞皆醉鶯有回

聲轉各圓比作花枝應姊妹脫離煙火便神仙心頭不是天人影如此傾城亦可憐

初夏

鬱鬱紅樓過卻春傳來消息昨方真月宮尙懶仙梯下天女還須病榻親拒藥自含深意思畫蘭偏露瘦精神卷簾早見櫻桃熟莫爲飛花又損身

病中苦憶

金堂侵曉寂無人簾底偷窺沈約身消渴已聞中酒日衝寒猶犯落花晨就嫌濃睡宜過午便事清游亦耐辛別有願卽珍重處卻無一語自沾巾

屏東閣後遇臨卽細叩文園病裏悵驚弩急須尋樂廣生芻且莫詣林宗窗疎着眼人私聽竹密驚心婢躡蹤折花枝歡笑

去已防愁思上簷峯

天眞閣外集卷三

二

花殘封題小印嚴玫瑰香酷蔗霜甜禁方雖載中心補飽食終愁內熱添小別光陰紅雨盡相思滋味綠餈粘爲郎手解煩襟渴別製新茶碧玉尖

曾覓幽房暗一巡燭花如豆雨如塵鏤金香枕虛長夜屑玉清譚是慧人誤觸寶縷猶窸窣任鋪湘簾太因循思量好景都成癡只恐當時已不眞

無題

雙銅環響噪栖鴉特揭金堂淺碧紗瀟灑自如胸有竹聰明相照眼無花香含幽極方爲祖豔透罨中是若耶璧月在天光在地認來雖遠不曾差

秋夕

碧天隱隱紫雲歌金粟香霏染袖羅此地更無塵世想滿身祇  
覺露華多呼來小字同明月卷起輕簾卽絳河應笑麗華瑤樹  
底教人強喚作嫦娥

眞眞

眼福輸他老畫師碧桃花下對明姿竟容平視如公幹悔不前  
身作愷之潑茗偏邀當面笑含毫還要點晴遲十年枉號平原  
客纔有樓頭一見時

一泓秋水影瓊瓏捧出生綃綵霧籠相識似曾鸞鏡裏分明差  
勝鮫寬中溫柔恰許傳神得供養眞應繡佛同畢竟是煙還是  
玉卻愁神物化遙空

薔薇露洗晚粧成別倚瑤臺弄玉笙綵鳳自來剛翼比銀蟾可  
到是身輕人擔豔冶原須福天賦聰明必有情不畫幽蘭定梅

萼更無他物着卿卿

懷農

花下明粧囑寫眞轉於調笑致嬌嗔濟尼失口稱閨秀伯玉無  
心誦洛神似畏窗光旋頰首乍拈鏡影欲迴身畫師解道愁尤  
好卻倩蛾眉更一顰

誰將消息報重簾偷寫崔徽人素練未是描摹嫌仲朗祇因唐  
突怪無鹽鳩媒已恨胡香洩雀鑰從添屈成嚴可記鏡中歡笑

語要圖雙影學

鷓鴣

冷眼斜睨爾許時臨行卻又教遲遲呼鬟別進先春茗掠紵重  
刪過午枝薄怒始知深似笑嬌憨尤愛近於癡比肩半晌嫌都  
釋那用燒燈密咒辭

感舊



青梅一樹暗疎櫺，桂戶銅鋪畫亦扃。映日簾波搖細細，隔花香霧起冥冥。冥前塵恍惚曾遊月，昔寢依稀是摘星。竹密枝繁遮路久，不關容易動金鈴。

春社

六街簫鼓任闐門，寂靜瓊樓睡思昏。躡迹忽來飛鳥影，幽期不負刻花痕。羞無可掩全呈媚，香莫能名但覺溫。回憶向時驚鷓味，已消覓向未消覓。

小樓

唐梯徐點屣聲嬌，立定驚鴻臉暈潮。羅帶乍鬆先色戰，玉釵將墮最魂消。關心恐被雛鬟覓，側耳疑聞彩伴邀。欲去未能畱不可，且申密約待明朝。

背影

削玉雙肩秀絕羣，遙從背影識文君。衣裁藕色偏如雪，窗透蘭香可待薰。別後金堂剛半月，望中珠箔抵重雲。明知小立青苔久，喚徹鸚哥似不聞。

幽檻

貪依幽檻立花陰，忘卻冥冥細雨侵。替整蓮巾防折角，代障葵扇示同心。憐卿秀色調飢慰，知我清姿病渴深。戲語他年身後事，帶嗔和笑未沾襟。

曉妝

水晶簾射日曛曛，茜子襯襦八尺紅。羞對熟人呈暈月，笑持雛婢作屏風。梳頭慣學輕雲立，釵面纔將豔雪融。偷指珠蘭籠袖底，覩人方便擲奩中。

晚妝

輕雷隱隱過池塘，珠押風開換晚粧。碧玉奩梳清徹水，紫荆斂  
股暗通香燭邊。元髮光堪鑑浴後，冰肌近自涼日對遠山簷。一  
角未妨四壁自清狂。

依夕

月波裁剪作輕綃，著向風前水樣搖。謝女襟情原雪澹，蕭郎踪  
跡比天遙。曾勞花勝同同結，枉盼瓜期音音邀。輸與鬢師偏逼  
近，憂羶親見撥雲翹。

一鈎黃月最多情，斜影侵眉喜氣生。出浴衣香如昨日，斷腸書  
約是初更。偷窺竹徑原微掩，驚避花叢卻緩行。蹤跡自疎心自  
密，玉環須認隔簾聲。

午睡

越桃花發小闌偏，香氣撩人易破眠。八尺琅玕涼欲雨，一層紙

天真閣外集卷三

五

縵薄於煙鬢，因睡起偏尤好粧。爲慵來洗更妍，纔是折花苔。逕  
溼連環織印玉階前。

暮雨

聽盡蓮花漏轉遲，黃昏偏又雨絲絲。寒輕那禁重簾襲，癯遠惟  
應薄被知。瘦影定憐秋水隔，良緣空與碧雲期。紅樓已恨如天  
上，更有天難望見時。

二妙詞

楊柳陰通白石渠，繞渠多種水芙蓉。小姑家具紅牙管，大婦妝  
奩碧玉梳。愛仿簪花傾逸少，工題歡果號相如。如何當辟作雙清  
子，掌我詩筒替我書。

曲闌

隔牆花氣隔牆風，知是釵叢是露叢。粧罷定應重顧盼，語來光

詔獨朦朧能教妬女甘居殿羞對癡郎驗守宮行過曲闌還圻  
立水晶簾骨玉蓮蓬

桃源

桃源流水帶花香飛瀑通身度石梁仙掌忽開青齒香神樓剛  
曝翠衣裳難將隱影傳張碩誰許同來挈阮郎翻趁出山泉水  
潛寄流清淚教君嘗

天生

天不輕生是美人每逢佳節始生辰香偏耐冷霜爲骨影只宜  
秋月是神肌雪愈添眉上翠眼波微透意中春玉杯澆取雙紅  
豆不化湘梅定楚筠

清齋

繡閣清齋薦露盤近來小恙愛吳酸甜香共熟名宜愛佳果親

天真閣外集卷三

六

投是合歡扇底簪花題拂暑尊前箸玉勸加餐要知憐惜恩深  
處只與王郎一例看

暑窗卽事

鏡鵲晨開象簾清乍梳粧後又釵橫風姿偏是慵時好儀節多  
緣熟極輕障扇自通眉欸曲簪花也露性聰明儘留真色教人  
看一洗檀郎錯愛名

風日闌干曉露稀嫩炎輕襲碧羅衣螭蛛偏愛當窗掛蝴蝶猶  
貪纏扇飛舍怨笑言終鬱鬱鍾情形迹莫依依無端慧舌酬清  
辨又道關心替解圍

無題和竹橋文韻二十四章

洛神一賦誦迴環宛在盈盈一水間已爲兼才偏覺秀情何累  
德未妨閒魚箋細摺同心勝鮫帕牢收別淚斑每到黃昏更瘦

絕慢憑月色洗愁顏

羊脂玉白碾連環只繫長膏一寸問欲報手書嫌語瑣爲懸心事怕身閒鮮妍未透蛇醫迹斌娟黠畱獺髓斑薄怒深愁看更好傾城原不在權顏

象牙梳似月彎環鏡檻釵奩曲尺閒幽寢思量心暗喜低鬟商畧性多閒褰花那禁卽持綉袖碧寧嗔姊唾斑多和燕脂輕傳粉怕人看出病中顏

天半微聞響佩環紅墻銀漢在人間徒勞翠鳥殷勤探難伺烏龍一隙閒卓女調琴囊瑟瑟衛孃拈管竹班班可憐枉負如花貌輸與桃花有笑顏

綠陰宛轉小廊環日暮佳人倚竹間細步最憐幽草弱渺懷偏寄去雲閒花如傾國何關笑玉果連城不諱斑一種乾坤清氣在秋顏須識勝春顏

天真閣外集卷三

七

晶簾不隔洞如環淺澹眉峯隱約間自讀卽詩書盡廢翻邀姊繡綫都閒鏡奩圓浸蟾蜍影硯匣香生翡翠斑周昉描摹應未到才人風格美人顏

絳闕宸妃字阿環雲軒小謫鳳城間神光離合隨方變仙癡淺逃竟夕閒疑雪白穿衫縷瑩纖塵不上襪羅斑玉樓咫尺如天遠何況樓中潤玉顏

麗質休猜那與環穠纖脩短適中間小鬟戲學晨梳嬾中婦偷窺午睡閒書角暗搔纖指暈墨痕微絛絳唇斑不知憶着何年事半晌粧臺獨解顏

一年小寢事循環又值秋分白露間十洞三清皆阻碍六張五角每空閒訴將幽怨鴟絃語替得悲啼鳳蠟斑鎮日畫圖中看

殺何如暫許對芳顏

妬眼如城繞一環  
屢聲遙認桂堂間  
燕來暫撒中門禁  
花落潛行外院閒  
身隔畫絲邀絮語  
手提金縷怕苔斑  
教人陡識平時意  
暖在心頭冷在顏

訶黎新剪片雲環  
人在爐熏鏡影間  
困倦未容雙鬢暉  
明肯放一心閒  
歡情漸引眸無縫  
羞暈微烘頰似斑  
七分桃花三分雪  
是郎詩句是儂顏

手解嬰年舊弄環  
帶郎第五指中間  
幽期誤約心非泯  
啞謔旁猜語總閒  
乍冷慢絨絨扇素  
再來須驗繡衾斑  
此情要比天長久  
那在多貪識面顏

環痕約指指如環  
預種芳緣隔世間  
論閱未甘魚賤處  
囹何用雉媒閒  
花開豔極偏無子  
筍出尖多易有斑  
只合化身明月

鏡笑鬢都得照卿顏

天眞閣外集卷三

八

柔腸豈暮鹿盧環  
只在郎行左右間  
誓密記曾邀月證  
情多恐又羞花閒  
占晴可奈時時變  
踏溼還防處處斑  
作計惱伊伴怒去  
明朝相見看何顏

海榴花下脫金環  
小病剛剛一月間  
食味本來當暑斷  
睡眸還得徹香閒  
頻驚石鼎松濤沸  
細展羅衾藥瀋斑  
輸與衙推偏得見  
捧心時節最真顏

紅闌干角綠蕉環  
竹色茶香閣半間  
簾押迎風拋繡亂  
枕函送日賴書閒  
長來指爪逾脂印  
濃得眉痕透黛斑  
人自慣看儂轉訝  
鏡中消瘦甚人顏

銜耳明瑤小鳳環  
戲擒胡蝶出花間  
紺珠豔事星星記  
碧玉芳時日日閒  
曉霧迷成三里障  
秋雲巧作五銖斑  
厭人絮問將雛

近贏得羞顏似醉顏

一曲明河列宿環  
佩聲遙在碧雲間  
生逢獨立人難得  
除卻相思事總閒  
仙宇早憑心勒印  
神光翻逼眼成斑  
直須褻念都消盡  
纔許親承水月顏

欲把名花當屋環  
只宜蘭畔與梅間  
心思手口三般巧  
坐起眠行一味閒  
豔雪題成寧有對  
香雲剪與並無斑  
常娥尙自多情甚  
偷下雕梁爲照顏

蛇報靈珠鵲報環  
深情難報隱微間  
香拔異域嫌輕褻  
絲繡平原只等閒  
素約敢消烏鰲誓  
丹誠空漬杜鵑斑  
酬恩自保千金體  
搗藥拚爲悅己顏

玉扉清響小銅環  
履迹衣聲眼耳間  
瑱碾茶槍消渴細  
聽蓮箭耐身閒  
草蟲戲捉還謀對  
花蝨親除更拭斑  
頃刻歡愁千百變  
作秋天氣似脚顏

左手除來右手環  
珠胎盈滿月輪間  
柳經眠後變霧重  
果到垂時螳影閒  
喜搯茶膏津化液  
怕拈花樣汗生斑  
劉楨莫恨難平視  
竚看嬌兒似母顏

梳子銀牆面面環  
依稀仿佛玉樓間  
通融恰許行相近  
分別仍教坐各閒  
蕤葉雙鈎新墨揚  
菱花七出古銅斑  
寢中歷歷分明記  
難記偏生絕世顏

洞房簾箔水晶環  
偷看香籠繡篋間  
書卷縱橫風揭轉  
葦紋斜整日拋閒  
乾藏鳳子芙蓉粉  
馴養狸奴玳瑁斑  
眞箇到來翻不見  
寢中情事意中顏

自題二十四詩後每句藏二十四意

吹簫橋畔月如環  
亞字闌干對照間  
寫遍烏絲三百滿  
彈來雁

柱一條閒清波雙現金釵影和氣全飛玉瑋斑慢說荷花共生  
日十年年減麗娟顏

豔體一章每句戲藏十六意

十二闌干花四環美人二八倚中間蛾眉那厭重新畫象戲剛  
拋一半閒兩度界箋書銷字更番排卦炙香斑嬉遊二九還初  
七生過嬌兒尙玉顏

閨人養疴辭

工愁善病女相如暫徙瑤齋檢道書一縷藥煙清似水雲屏隔  
斷廣寒居

小庭花木費平章終日琴鳴古研旁卻下水晶簾一扇仙肌冰  
雪自生涼

南窗置榻北窗寬一曲書廊鏡檻安那有紅塵飛得到綠芭蕉

天真閣外集卷三

十

映雪闌干

雙扉閒鎖一階苔屈膝銅鋪畫不開只有常娥推不去夜深還  
近小窗來

刺桐清影拂簾長鼎沸松風藥透香親把銀匙調一過同心甘  
苦願分嘗

暫廢椒花格律新繞床書卷尙逡巡臥中聽得秦嘉詠一字推  
敲又損神

竹床冰簟鎮相親吟瘦身看病瘦身聽說蓮塘遭雨打今年花  
更瘦於人

疎雲先作一分秋添得窗櫺綠更幽幾點雨彈涼葉上紅心枯  
草又新抽

隔年情事記分明雪梳冰盤夜語清昨日到門親聽得小鬟偷

學誦詩聲

粧樓書靜屢聲無  
畫稿叢殘墨未枯  
等月再生人病起  
拜雙星  
夜玉梯扶

小閣

簷際涼雲水樣浮  
果然小閣勝瓊樓  
竹陰滿榻清如掃  
花影移簾漸上鈎  
守禮敢煩郎慰體  
倦粧還喚婢梳頭  
病餘偶揭閒書卷  
本爲消愁卻惹愁

七夕再疊環字韻

水玉蘭釵火齊環  
隱然黃色透眉間  
十分月有三分過  
九孔針無一孔閒  
心巧素爛牛女慧  
指尖紅沁鳳仙斑  
不消始影重祈禱  
越病深時越艷顏

新涼

天眞閣外集卷三

十一

小窗幽寢昨宵涼  
寶簾重移繡榻量  
樓閣自開秋世界  
雲霄原近月家鄉  
竹枝浪認釵鈿影  
花氣猶含語笑香  
六曲屏山移不去  
是會親照玉容光

玉恙新起

病餘眠食強支撐  
秋暑宜逃味要清  
侍女且教鋪象簾  
厨爨還忌進魚羹  
極關情語惟珍重  
不避嫌時更至誠  
如此相思天亦許  
兩邊心似玉壺明

晨晤

木樨香裏海棠陰  
四面秋光照此心  
情在不言方是契  
猶如爲語轉非深  
瓊瓏日影穿丹縠  
鸞鍵爐烟裊翠襟  
爲我強支晨倦坐  
未須一刻已千金

長廊



別久相逢眼倍明疑驚疑喜態俱生蝶穿花去偏多碍燕避風  
來轉似迎非意事原同在意真情人必近無情回身翻使全身  
見索向長廊更一行

金粟香秋瘦

並蒂芙蓉比翼鴻經秋瘦骨也相同簪花久謝雲囊豔印篔簹時  
看粉頰紅清淚定緣何事落深情翻托正辭通仲宣愁思相如  
病早入芳心宛轉中

別院

別院秋花秀不濃麝蕪新長逕蒙茸密香自奉青鸞使小玉閒  
尋粉蝶蹤漸近衣聲猶綵繚折回釵影乍瓏鬆分明有意牽簾  
出卻似驚成意外逢

箇人睡

天眞閣外集卷三

十一

小窗疎雨綠蕉彈低語聊貪傍曲欄我自道來嫌太絮卿偏聽  
得勝如蘭煙籠乍覺鶯聲倦香細應知蝶寢安心欲避嫌情未  
肯碧紗親爲障輕寒

當門

當門風日掩采恩隱約神光在合離山近轉疑雲隔礙花多終  
覺樹參差蘭堂忽度驚鴻遠桂棟偏依乳燕遲應笑慧根原不  
慧簾波着眼枉多時

惱人

金粟香霏滿院多玉人生日近常娥照秋清影同明月卜夜深  
情抵絳河定後驚魂消淺暈靜中微笑托橫波惱人不會卿憐  
惜如此新涼尚薄羅

微波

如雲羅綺萬花前，裏織長獨逗妍。住近浮圖光似佛，幼餐沈水體俱仙。梳勻信手人爭學，調笑無心語可傳。半晌眼波嬌不灑，待人臨別卻嫣然。

豔緣

鬱金堂古麝蘭熏，掩過銀屏露翠裊。暮春似驚生客語，纏繇猶與小鬟云。花迎斜日翻舒蕊，月過中天卻漏雲。偏是徐行容細認，豔緣真悔阮郎分。

遊仙辭

洞門翠葉暝生煙，微叩瑤扇謁上仙。任誕偏逢方朔過，勝常惟許密香傳。雲漿未識何花氣，星漢空思在月邊。暫緩碧桃三日放，可知人世似經年。

神樓縹緲接瑤京，八面紅窗對八瀛。花頂佛光留髻影，畫中仙指落琴聲。天空不許雲留迹，潭淨偏容月印明。此是消冤真境界，最高情又最深情。

天眞閣外集卷三

十三

重簾

洞房深畫卻寒垂，朱鳥窗明未許窺。着眼預防人見我，關心早識影爲誰。綠翹進茗纖纖手，絳樹添香瑟瑟帷。情到神仙情更好，紫蘭親自護葳蕤。

銀灣

歡喜疏櫺扇扇關，黃姑親得渡銀灣。沁人肌息如沈水，煥我心腸似博山。極慰離情惟握手，偶思前事轉低顏。欲將梳子連詩贈，恩意還須託令嫺。

深秋

玉恙經秋輾轉深，上池清水漬羅衾。莫緣知己真披膽，可是吟

詩欲嘔心魚目郵堪通夜醒犀株枉自辟寒簷黃花慢想傾城  
顧病過荷花直到今

紀舊癢

纖鞋一抹眼紅墻暗裏溫柔別有鄉浴室喜無通德侍壁衣偷  
把彥回藏蓮房久禁閒蝴蝶桐樹新栖小鳳凰今日分明轉惆  
悵雙峯如雪射窗光

露立

合既無緣竟別離可堪相見又時時風來水面非關約月上梢  
頭未可期厚施恩情消薄福淺嘗滋味耐深思明知取冷難身  
慰癡立空庭任露滋

今生

舊事思量歷歷明拂簷蝙蝠悄無聲忽驚月自懷中墮猶喜雲

〔天眞閣外集卷三〕

十四

從寢裏行誰恨有天終古漏盡逃填海幾時盈多情隨處看花  
好可奈今生是寡情

婉兒

樓上昭客是我師天教玉尺爲量詩直空四海才人望獨許千  
秋幼婦詞青眼或來溫嶠目素心難定叔牙知感恩若仿平原  
例先買紅羅繡婉兒

衛孌

綠梅花下有人居正恐梅花秀不如每恨王郎癡似叔獨憐鄒  
忌美於徐盤周四角辭難畢漏盡三商寢竟虛欲表同心心迹  
處右軍能亂衛孌書

爐灰復然

簾外西風掃翠苔已寒重煨玉爐灰草書結體聯無斷花勝同

心解不開纔欲見時先震蕩是曾立處定徘徊尾生自抱千秋  
信莫管佳人果否來

同心曲

一寸窗光一寸金暫邀歡坐綠紗深戲攪麝名脂香度偷掣簪  
花粉本臨縱使旁撓無計遣但畱前約有時尋郎今莫問儂心  
事儂與郎心是一心

步虛辭

三生辛苦搗元霜口嚼梅花齒盡香  
雀背幾時邀子晉蛻鬼無  
路上高唐卷中還恐非仙影  
裊底空疑是佛光采采玉芝何處  
好祇畱雲氣滿虛筐

驚疑

傾國何曾定有方情波照玉玉生光  
聰明眉黛先天秀宛轉香  
絲委地長巧語猝按工應變  
笑容先見道勝常背人偷握春葱  
好一種驚疑味仁嘗

密緒

兜羅繡手罷花拈親爲檀郎熨指尖  
背地暫將鳧藻讓耳邊低  
勸翠裘添轉夢莊語教人聽徐斂明眸  
覺婢覘離席不妨端坐  
好莫因匆遽召猜嫌  
纔欲回身卻斂身鬱金堂上暫逡巡  
同心那在相逢數半面何  
嘗不看真儘可端詳餘背影斷難描  
畫是丰神臨行尙有消覓  
處未敢題詩浪示人

繡牒

繡牒纔圍縫合歡無心偶置畫闌干  
量來新月邊形容裏盡春  
雲定覺寬可許玉尖親試着未妨  
眉代裝安紅幫殘綫拖鍼

在低囑檀奴仔細看

幾度

幾度尋花花不開今朝花影下瑤臺天教生日同霜菊人喜臨風似玉梅隔院圖郎聞笑語當窗借婢共徘徊博山爐火情常煖值得衝寒犯雪來

水晶簾下卽事

通髮初撩待畫眉鏡臺偷傍立多時熏香乍喜眠嬌女傾水剛逢遣侍兒皓腕先攘容捉搦朱唇欲嚙費矜持幽情未了餘歡在留作今宵翠被思

朝來

朝來座客向余誇親觀紅粧展碧紗秋水神疑如有待早梅光映兩無瑕關心偏在屏風近錯眼真成薄霧遮辜負臨卽深處

意翻教人得見如花

獻果

檀郎何處得嘗新翻作粧臺擲果人入手已知仙味美分甘先懼妹心噴笑君懷核寧無意獻佛將花早有因一幅定情羅帕在輕紅雖退認猶真

問訊

斜門風逆送氤氳簾卷金堂裊水紋幾度空來應怨我此時強坐半綠君早拋眼嬌紅窗裏那惜脂香碧盃分嬌語平安親問訊芳姿傳出已先聞

熏爐

新寒跨火辟邪爐藕覆雙鳧色色殊蘭篆靜看烟似水梅花親點筆爲圖比肩可許充佳婿擁背何妨借小姑推就煖香熏一

過留仙裊底按纖跣

臨去

來何緩緩去匆匆朱角門西小院東一剪晴波勞遠送兩番平  
視竟通融神情意致都閑雅坐立行時不苟同那似小家羞澁  
態見人先自下簾櫳

簪梅

蘭房曲折透幽香繡祿親擎小鳳凰笑靨乍看兒絕似廋詞相  
謔婢無妨粧交二九梳頭懶裘襲雙重觸手忙袖籠玉梅三百  
朵爲卿低插鬢雲傍

評花

桃花不及李花妍一笑欣逢縞袂仙同是無言芳獨擅從來絕  
色秀爲先中天皓月人爭看委地春雲我最憐拈出退之詩句

好漁郎應悔武陵船

下樓

樓上斜陽樓下行鸚哥消息透前楹雲鬟偏覺家常好花氣原  
從坐處生瞥見玉光驚又喜乍迴釵影避還迎雙星但隔秋河  
照眼自饒餽意自明

乳香

幽香一縷透羅襦親乳桐花小鳳雛密呈喜無樊嬖侍潛身悔  
與阮郎俱良期每被驚心誤堅坐還防妬口誣卻憶獨來時節  
好同羣又礙阮咸姑

雲餅

宛轉香車繞綠谿一泓秋水徹玻璃良緣對面誰能阻好事無  
心比約齊似惜蕭郎門外立幾將小宋路傍提箇人巧笑尋常

見不似今番易着迹

窄徑

邂逅重門窄徑偏翔風衣鬢總嫣然花從轉側看尤媚雲爲夷  
猶態更妍暎語兒來心坎裏柔寬鈎去眼梢邊何因卻把雙鬢  
遺緩任弓鞦一細憐

芳筵

隔座芳蘭一點心潛憑傅婢語知音杯行喜聽斟時淺燭換愁  
看坐夜深力爲加餐須自努飲當微醉莫教沉擁爐默計君歸  
候忍比君先到繡衾

密意

柳樣春濃絮樣顛輕雲無迹過青天人前第一須留意莫把雙  
伴注妾邊

昭文 孫原湘 長真

金堂

初日曛曛上畫梁  
珮聲釵影鬱金堂  
蘋蘩久誦葩  
經熟薑橘親調  
豆實香方朔  
暗窺思割肉  
裴航消渴願分漿  
此生許作花間  
活  
甘奉王褒約數行

松實

新羅松實剖芳鮮  
親把朝飢療偃佺  
尙帶靈云香唾溼  
定勞鉤  
七玉纖妍小姑卻訝晨  
瞳早雛婢空猜  
夙嗜偏偷遞袖中  
銀合子  
佯佯走過鏡臺前

詠雪

雲母圍屏儼畫圖  
一奩秋水照凝酥  
未堪仙子藏金屋  
如此樓臺便玉壺  
髻影泊風尤綽約  
鞦尖印雪已饒餽  
笑他癡叔同清賞  
解賞因風柳絮無

寒妝

今朝且不繫香纓  
覆額貂冠襯髮明  
趙姊丰容燈下好  
謝孃神味雪中清  
況人更比香鬢嬌  
隔座終聞畫屨輕  
笑把手抄詩一卷  
問郎堪否號書生

春憾

西風吹月滿高樓  
樓上珠簾盡下鉤  
蘭病未蘇梅欲褪  
二分春色十分愁

舟中書感時阻風

無數新愁并舊愁  
暗風吹雨入孤舟  
寒梅未肯藏金屋  
清瘦先疑到玉樓  
花落忽聞天女病  
珠寒偏值洛妃遊  
封姨苦把歸期



阻想殺多情是石九

美人家飲花露飲畢而餘香在盥

瓊漿滴滴入詩喉香氣猶沾碧玉甌恰似髻邊花落下芬芳常在美人頭

一朵仙霞捧九霄散花天女手親調玉甌本是無情物入骨濃香不肯消

有兩美人見小影而相愛者

松歡柏悅總前因心自相親迹未親我見猶憐何況汝卿如欲下定疑神湘雲湘水原同寢秋月秋河是比鄰認得邢家真國色從來只有尹夫人

瓊花閣春醺

瑤臺縹緲接空冥面面湘波作翠屏詩瘦一天如雪醺酒花二

天眞閣外集卷四

月有蘭馨碧雲界斷忘人世紅豆括來盡性靈風卷玉簫聲緩緩羣真都在上頭聽

冰盤行疾月輪擎多是芳心結撰成花氣一樓難辨種食單三日預商名新歌乍學狂何惜罰錢雖冤醉亦輕贏得歸家爭問訊酒香還似玉梅清

攜眷屬遊山

魚朵輕雲覆綵軒佩環聲到半空停幽香自雜松花落細語難兼瀑布聽樵客盡疑仙眷屬侍兒都帶佛精靈豔情證取西來意螺髻蛾眉一樣青

玉樓伊花辭和樓中人韻

摘取晨葩曉牕中玉樓分插小窗紅人間風雨應無恨天半園林別有叢頻囑侍兒新水換不嫌供餽淨瓶同暫時收拾薰鑪

起自有香雲護梵宮

名花四座鏡當中映出深紅間淺紅着水宛如新沐後披香疑  
入古書叢餅綠放膽春能管燈替傳神夜不同面面湘簾圍寢  
住枉他粉曉效秦宮

玉樓清福

不通融處似通融飛絮游絲撲繡櫳三月詩情多豔冶一樓春  
瘦太瓊瓏畧嫌琴琴脆貪微雨自惜衣香變逆風十二膽餅花四  
面神仙清福坐當中

懷簡人歸寧

月白江空雀一聲美人香瘦可曾驚瑤臺自劃天爲界玉笛空  
飛雪滿城春有去時誰定例潮聞來處敢相迎貌姑只合羅浮  
宿金屋如何好貯卿

天真閣外集卷四

三

望仙樓上望朝霞隔斷瑤池阿母家蛛網有絲縈屋角鵲巢無  
喜報簷牙難將芳訊通行李未必歸期準及瓜曾是往時攜手  
處綠窗開煞碧桃花

美人病目

寢覺空聞百轉鶯一簾香霧未分明詩成只泥同心寫琴罷偏  
猜落指生慢託微波通款曲任拋殘局自縱橫萬花應是羞相  
見暫借輕雲障太清

評畫

絕色休從畫裏看須知落筆繪天難描摹西子憑凡筆顛倒明  
如在素紈身到岱峯諸嶽小花開若木衆星闌妍媸只把丹青  
定何限人間老試官

題蘭絕句

只合離騷一卷書水仙相伴住清虛詩人眼底花如海除卻寒梅盡不知  
楚雲旖旎水纏綿生就珠胎玉骨仙昨夜瀟湘明月下意中人恰似卿妍

並船紀事

花光相映並頭船竟有珠聯璧合天一水香交通笑語兩家簾  
卷見神仙清波倒影尤增豔好事無心轉得圓偏是情深偏分  
淺何時邢尹卻駢肩

春蕪婉仙夫人侍兒也風致婉妙年甫及笄其父將爲

擇耦夫人送之以詩余爲繼聲

來是嫣然去黯然盈盈未是嫁時年鳥猶帶綫方呼孰草亦如  
花要趁鮮曾學大家羞更好便爲貧婦德須賢遙知此去蘆簾

天眞閣外集卷四

四

下覓繞瑤樓玉鏡前

移巢

翡翠移巢曉出城多情先往等雲英明知此客來緣我無計教  
伊得見卿紆步欲從花逕過迴身圖向畫廊行芳心苦被玉郎  
覺甘受無端恚怒聲

水嬉同泛

卷起東風雀舫簾戲臨春水照鸚鵡比肩暗學雙星渡放瞻明  
欺萬目瞻濃笑索花頻恃凌清談聞曲轉生嫌延捱別有消覓  
計只等船梢上素蟾

心招

蘭堂寂靜曩游絲舉手相招目送辭事到極歡情轉怯態無纖  
匿禮猶持竹聲疑雨驚秋早花影如雲出窻遲蹤蹟自忙心自

細教人重整鬢邊枝

小病

小病纔回午汗潮爲誰強起倚疏寮作秋庭院花含怯過雨簾  
櫳日放嬌密約縱虛心有蹟深情欲吐語無聊坐來莫恨如天  
遠轉眼銀河又昨朝

自持

未須惆悵但聞香脩到香中願已償欲報深恩難著迹每窺微  
笑越周防花前苦勸耽詩瘦燈後整辭被酒狂除卻衾窩同寢  
外儘拋心力效鴛鴦

不矜風格轉超羣委地湘波拂拂裙逼眼光華花上月蕩心儀  
態水中雲在教離間情終合儘意綢繆界自分深感琴心通委  
曲自憐無福作文君

天眞閣外集卷四

五

偶將調語抵清狂底事前盟苦索償極婉轉時心自許暫通融  
處眼猶防茶甌密度櫻桃味衣釵牢緘荳蔻香傾吐蘭胸豈無  
意玉樓何日去梯枕

雨窗

綠梅花下坐卿卿神與梅花一樣清得意事須防失意深情人  
肯浪多情心挑祇益羞顏熟脣語還遮妬眼明欲去尙畱畱未  
可恰來絲雨灑簾聲

橫波

百巧千靈藕孔多泥人全在兩橫波如愁如喜還如怒媚態三  
番一剎那

雙紅豆辭

種出雙株紅豆紅暗將心事卜東風意中人病朝朝減瘦裏歡

歸夜夜同翡翠樓高天共遠鴛鴦湖判水難通春愁化作楊花  
點半入清波半碧空

去年消息望今年及到今年轉憶前扶病尙因花強出歸寧差  
喜事遷延機緣半爲忙中錯滋味都從過後鮮權笑要期來日  
補卻愁追想更茫然

知是藍橋是鵲橋一雙解下佩瓊瑤情同滄海無深淺綠比浮  
雲有近遙花縱可攀容易別月雖頻望手難招不如身化玉餘  
片分屬江東大小喬

心中眼底與眉頭積得離愁又病愁小玉瘦來眠反側飛瓊歸  
去信沉浮綠線慳莫要真成塊癡絕難甘枉下鉤每到幽窗閒把  
翫團圓一對鍊金驅

疊箋書恨祇焚灰剪紙酬神枉費財一半聰明知誤用兩無消

天眞閣外集卷四

六

息肯傳來漫憑問卜著歸妹悔不能醫約作媒願學維摩行腳  
狀替人擔病覓人回

雙珠托出水精盤欲定高低兩字難論歲參差原姊妹比花先  
後似梅蘭泥中爾我應三分林下神情祇一般對面看來形與  
影切休分作尹邢看

喜蛛靈鵲滿簷前道是佳音卻浪傳炎罷艾香心愈捧占殘花  
信眼徒穿他鄉未必全無恙久臥何如各一天如此思量人易  
瘦又愁相見定淒然

人竟歸來病竟除極尋常事卻疑虛愁他慈母留偏強怨到庸  
醫術太疎欲剖素心潛和藥想呼黃耳妄傳書從知一面難消  
受休說鴛鴦與鱗魚

閒裏尋思太認真最癡情卻最傷身挽車陌上誰迎汝取冷庭

中自有人弱體枉禁風五夜柔腸偏轉日雙輪漢暴明月天台  
樹不是今生是夙因

紫袖昭容玉尺溫青綾步障粲花論手抄羅隱江東集心訂章  
舉蜀道婚極恍惚中煙有影最纏絲處癩無痕不妨說與青天  
曉卿自慙才我感恩

七夕惆悵辭

天上相恩有了時一年一度一佳期人間只有相看分也要迢  
迢遠別離

曉晤

畫檐鸚鵡喚人來一扇湘簾自蕩開微露丰容教瞥見熟聞聲  
息故驚猜雲舍疎雨頻延佇水遇輕風又折回還恐未曾親切  
看玉樓天半重徘徊

天眞閣外集卷四

七

借得

借得神仙七寶牀躑躅先到白雲鄉鄂君繡被真奇煥苟令熏  
爐是異香花氣襲人如二月竹聲舍雨似三湘青天定有星辰  
影暫宿銀河便渺茫

情詩

一分消瘦一分嬌玉恙纔聞起昨朝膏沐脩容還自強羹湯親  
手爲誰調願將郎作鴛鴦繡曾把花同蛺蝶描情比博山爐更  
煥那須炙蓋始寒消

無題

就使樓頭響珮環娟娟秋影隔銀灣如今影也無從見學到雙  
星夙分難

別有所感

瑤京曾侍阿環旁，熟習雙鬟郭密香。若論風姿真絕似，爭差笑  
靨要端詳。親煩記曲拈紅豆，巧值移巢過海棠。宛勝相逢在天  
上，相憐何況是同鄉。

新年卽事

中門夜靜不驚塵，魚騰樵青病一雙。卻喜箇人猶健在小樓，燈  
火自關窗。

懨懨春瘦強支持，定累多情百遍思。特向窗中傳數語，要人知  
道未眠時。

憐才

九州四海一傾城，獨感憐才出至情。絳帖願稱詩弟子，紅樓許  
拜女先生。隔簾遙授簪花格，立雪微聞咏絮聲。佛意仙心多占  
卻，最慈悲又最聰明。

天真閣外集卷四

八

滿樓明月滿樓詩，獨賞江東第一枝。書罷便誇王逸少，吟成定  
壓沈佺期。擎荷儘有生憐意，浮麥終無見麴時。空忍兩行知己  
淚，碧桃花下雨如絲。

病起書寄箇人

情到無聊淺愈深，暫抽書傳卜佳音。古人絕少癡於我，舉世誰  
能諒此心。一自病軀親藥石，終虛俊眼盼泥金。臨卣配後天緣  
改，鸞鳳參差直至今。

疊韻再寄

自多情無似我深深，情除是我知音。髮膚以外皆君物，眼耳叢  
中罄妾心。死去定成雙抱木，生憐親贈四知金。天然守禮矜嚴  
甚，不爲因循誤到今。

真意

似無關涉似心交一縷輕雲曳柳梢小影常將花供養新詩曾  
授札親抄聲名拚爲君微損心力知緣我盡地只合預脩來世  
果玉梅枝上結雙苞

幽懷集蘭亭序字

暫同幽暗暮陰天坐次因知室又遷言帶一絲蘭氣在情猶九  
曲水流然觴脩故事娛生日竹遇春風亦少年會得管夫人靜  
致今人殊類古人賢

幽蘭清氣極於斯靜坐春風自得之左右無人初目遇死生相  
感在情知一言領悟由當地萬念悲欣集此時形迹雖殊懷可  
述托將流水作絃絲

珮聲

珮聲歸自楚雲邊金粟香中拜玉仙畧帶病容尤窈窕每臨高

天真閣外集卷四

九

處更鮮妍九天早遣詹傳語半日懸知眼欲穿偏我來時偏得  
見不應如此巧因緣

薄遊易羨探張公善卷諸勝舟中書寄粧樓

此間原不是相消無奈平生讀楚辭雲雨易猜神女寢煙波多  
似水仙祠馨香何處吹蘭葉哀怨頻年寫竹枝小別珮聲猶在  
耳偶拈紅豆又相思  
瑤臺縹緲楚雲端翠袖亭亭念客寒宛轉自循梳子佩清虛應  
減菊花餐預占歸日繡書吉替卜晴天聽葉乾那得紀遊詩百  
首盡將蹤蹟寫卿看

萼綠

萼綠華來竟體芬絳紗高揭拜宣文詩篇露借薔薇浣衣袖香  
嫌豆蔻熏皓月不遮雲一點寒梅常帶雪二分才名豔福誰雙



占冷對風前妬此君

從美人家折得桃花一枝歸供臙瓶

折得天台頂上枝爭開已近十分時  
祇緣來自傾城處頓覺生成絕世姿  
物但關情皆可愛事真入手不嫌遲  
人間多少嬌紅色不種伊家不耐思

四山流水應宮商風細吹來縹粉香  
生就幾枝斑竹好被人猜道是瀟湘

梅語蘭香若箇溫好將紅豆喚山  
即美人欲識相思苦但看枝枝竹上痕

釋猜

休猜青鳥浪傳書久畏仙鞭  
藝念除豈料懸弓疑未釋便攜團扇計  
原疎星盟那忍拋中道雲氣何曾累  
太虛一朵瓊花天上影定無人采似芙蓉

天眞閣外集卷四

十

月落參橫近曉時人間何處寄相思  
道人自入羅浮癡除卻梅花總不知

昨夜冥冥父照黃清宵歸臥細思量  
人因顛顛連書瘦曲爲淒迷比語長  
指水要盟心一片對花親授法三章  
幾多密誓何由記爨括新詞貯錦囊

花如梅萼玉爲肌葉似蘭君翠帶飛  
若與二花同供養便應猜作古三妃

昔寢

圓紋碧浪小紅槎  
笑倚東南看日華  
醉殺九天霞  
一朵那知人世有桃花

風輪小劫病天魔  
一枕積雲散髻螺  
龍樹藥王醫不得  
手拈紅豆示維摩

手解嬰年舊鐵錢  
勝如條脫贈羊權  
兩邊小字綢繆印  
盡鑄鴛鴦萬萬年

湘妃曲

縹緲三湘  
瑟空靈  
八月槎  
碧天無界限  
秋水是人家  
奇玉雌雄  
佩幽蘭  
姊妹花  
君山蕩空翠  
散作洞庭霞  
一片瀟湘水  
春情比我深  
雲爲神女瘦  
月是美人心  
眉黛將秋  
畫衣香弄夕  
陰三星光  
豔絕不與夜珠沉

天眞閣外集卷四

十一

楚雲

楚雲飛破洞庭秋  
應是神娥夜出遊  
樂府定誇三婦豔  
仙家猶帶一生愁  
眉如翠羽天難學  
手解明珠水共流  
腸自九迴湘九曲  
通辭何處托橫眸

題周昉背面美人圖

驚鴻瞥見又逡巡  
珠壓腰裾穩稱身  
絕似簸錢堂上事  
忍羞和笑避生人  
小朵櫻桃折得不  
無人窺見綠蛾愁  
玉階喚殺紅鸚鵡  
不是歡來不轉頭

臉波藏卻媚霞痕  
只露雙眉削玉溫  
心自向君身自背  
省他一一見一消魂

只量鈿尺認腰支  
那有春風見面時  
會得李夫人意  
能背人翻

是耐人思

妙句青邱最有情傾城雖見畫難成詩人設想還癡絕要看回  
頭百媚生

不用傳神阿堵中畫師妙手只空空累他多少旁觀眼相背人  
人學崩通

幾時回首眼波橫枉費千呼萬喚聲畫裏未容人省識如何妄  
想作劉楨

新年紀別

梅花如雪凍簷陰任斜易不肯沉顏爲避人溫似玉語因惜  
別重於金算雲未定緣離合春水難知分淺深坐久翻催君速  
去帶香和笑已沾襟

有寄

天真閣外集卷四

三

苦被東風柳色催紅窗辜負玉梅開相思寄與清淮水流到長

江莫打回

生辰曲

賣冰聲喚小窗眠癡想江南遠似天記得年年今日事並頭花  
下拜雙仙

鷓鴣波仙館卸蓮臺繡佛爐香煥不灰應有兜羅綿樣手笑持荷

葉捧觴來

小阮風情記我家與君同曰好年華而今顛顛相如病狐負美

蓉臉際花

更有參軍小妹清藕花生日一齊生無端吹折同心蒂零落紅

衣畫不成

寫梅寄箇人

畫梅多畫影姍姍一種蕭疎耐遠看我道至情須領會疎時容易密時難

澹著胭脂澹掃螺亭瘦影照橫波由來絕色人難畫只畫梅花便當他

也知眼孔小於紗守定西溪當若耶天上縱然花絕代老逋只解愛梅花

平生空說愛南枝一歲相逢得幾時自拂銀箋寫來看勝如閒坐苦相思

讀史

心頭眼底一真真料得人間定絕倫讀盡史書佳麗傳何人如我意中人

自題橫霞仙館

玉真閣外集卷四

三

萬樹梅花水一邨春山如牋月如鬼只消一角橫波翠闌住詩人不出門

四禪天上住人家手札青鸞掃落花收拾紅香到仙枕一生同寢是朝霞

深恩

一綵輕雲落剪香緘題和淚報王昌並頭私願知難遂束髮深情誓莫忘縮住同心須不亂祝將恩分愈加長從今添入潘郎

鬢勝捧仙鬟一作夜夜濃芬嗅枕旁

畫簾鸚鵡語呼茶天女親擎一朵霞味美那消添茗葉香清渾似帶梅花早知郎性涼須忌不避人嫌愛越加我卻貪癡還未

足比卿芳乳畧差些

玉壺春色比花妍纖手親斟與謫仙情到十分如酒滿緣徵百

歲似杯圓爲卿揜死何辭醉知我沉酣屢勸眠餘瀝互攬蓮子  
瑣分明合盞繡床前

百花誰似玉梅妍動是飛仙靜益仙絕色驚看天不老同心癡  
望月常圓三年儘受迴眸愛一夕曾邀恣意憐素女若容緣再  
續今宵雙拜桂花前

仲冬十一日紀事

紅入雙顛四體蘇繡幃沉醉不勝扶玉郎悄地潛踪到細看楊  
妃美睡圖

絕世

意態濃纖世所稀梅花嫌瘦海棠肥媚生一笑能蘇病秀出雙  
眸可療飢髮美盡人分作鬢肌香從小罷熏衣衛風借作卿圖  
影纔得形相欠入微

天眞閣外集卷四

十四

閑房左右寂無人偷齧櫻桃一點春事後思量猶錯過忙中驚  
顛已遠巡防閑暗許鞦韆尖覺倦傍遙貪袖角親十五年前常意  
態消覓此日勝嘗新

密字

密字珍珠側理裁問郎何處恣徘徊終年細數無多見隔日幽  
期不定來鳳響誤猜舉繡箔花陰閑看過妝臺芳心一寸芸香  
瓣爐篆成灰未肯灰

雙歡曲

一雙瓊佩盡殊珍湘水妃兼洛水神無價名花偏屬我有情飛  
鳥總依人嫩寒曾記消覓夜奇煥難禁觸手春拋卻大羅天上  
寢碧桃仙洞老劉晨

春病

接離倒著醉難支  
隨意敲門去看詩  
卻憶有人憐我病  
滿天風露太歸遲

病容強作笑顏開  
爲送花枝到玉臺  
早被意中人看出  
怪儂何事忍寒來

相看不語又沉吟  
女伴防閑太計深  
各自病愁渾不曉  
枉教人說是同心

暗風吹雨入疎櫺  
眼似雙魚徹夜醒  
一片塔鈴清脆語  
不同卿住卻同聽

水嬉

龍舟搖曳綠楊煙  
小艇如梭往復還  
料得玉樓斜照裏  
也應錯認幾人船

危檣燈影碧霄寒  
畫舸中流酒未闌  
卻憶去年舟一葉  
滿河星

月並肩看

幽歡

涓涓溝水暗無聲  
如霧疑煙洞未晴  
半晌花陰潛候久  
何人解道此時情

低鬟風致暗徘徊  
個小立迴廊暝色催  
趁著銀鐙剛未上  
佯佯偷近玉郎來

新妝

翠羽明瑤出洞房  
春風新褪縞衣裳  
冰開碧沼花憐影  
雲掃青天月放光  
坐處微聞金釧響  
行來遠覺繡鞵香  
玉郎相對渾無語  
閒教靈禽語夕曷

蘭語

日來顛顛瘦腰身  
蘭語當窗囁付諄  
隨意清游聊遣悶  
韜精沈

飲恐傷神蔗梢細嚼終無味  
桃核雙歡別有仁  
每到花叢須記憶  
東風岑寂倚樓人

箇人

箇人第一是青絲委地春雲挽  
鬢遲記得刺桐花下等水晶簾  
外日斜時

箇人第一是雙蛾澹掃春山不費螺  
自識玉郎心事重展時偏少  
蹙時多

箇人第一是星眸載得聰明又載愁  
只許消覓人自覺暗傳心事不擡頭

箇人第一是雙顰酒量微滿笑麝堆  
一縷睡情支不住紅雲飛  
上眼梢來

天眞閣外集卷四

十六

氣過聰明

箇人第一是蘭胸菽發凝脂隱約中  
一秣紅鞋嚴結束卻逢郎  
手自通融

箇人第一是春纖親替檀奴慰指尖  
丁囑避嫌心事切人前  
酒莫同拈

箇人第一是雙蓮風韻行來步步妍  
可記暗中金鈿落繡鞵  
香氣泊人肩

燈夕卽事

千枝燈火一枝花  
十二瑤臺聳翠霞  
仙去偏愁郎有伴  
月來如寢姊爲家  
微聞人語疑清瑟  
近隔天河只片紗  
應被市中吹笛者  
遙占珠斗貫浮槎

蓄蘭一本數年始得花

幾年珍重護春寒一箭纔逢白玉闌靜色能消粗氣味異香不  
是古旃檀半生心力全拋與萬事艱難倍可歡真到眼前偏認  
作畫中看又癡中看

嬌女

左思嬌女似嬌禽來道勝常送好音書是宣文親口授花令小  
玉上頭簪學分繡綫宜纖手解辨琴絃有慧心一點櫻唇留墨  
在曹娥碑字甫欄臨

品花

花裏三傾國梅蘭及海棠可餐皆秀色不斷是生香春思依依  
寢秋陰寸寸腸何時滿人意都植在瀟湘

花朝

碧雲特地破新晴小閣瓊瓏卽玉京花影盡如人窈窕語香多

天真閣外集卷四

七

帶佛聰明思量過此春非淺歡喜來時病亦輕脩到羣芳緣恰  
好不同開日卻同生

寒宵紀寢仿曾真體

青粉牆高接半天黃昏風緊月娟娟斜門寂靜推敲細曲巷陰  
沈伺守堅仁聽鐘聲空外動忽驚人語暗中傳朱唇微噉來屏  
角纖指輕彈近閣邊預啓閒窗教側足偷開秘鑰許咨肩中途  
幾被監奴覺內院纔聞采伴眠入戶衣裳防絳繚牽幃步屣屢  
蹣跚卸頭別縮瓏鬆髻熏被猶餘鬢鬢烟展側水肌如水滑俱  
依粉頰比花妍一彎雪臂瓏瓏藕三寸紅幫窄小蓮脂熟櫻桃  
鬢飽啄香披豆蔻蜨深穿流蘇悄擊銀鉤宕密炷潛吹寶鼎然  
眼嬌橫流微視覷喚聲低徹恣纏緜當胸袂繡堆茵軟銜耳環  
瑤墮枕偏驚顛芙蓉承露重狂飛柳絮逞風顛幽歡放膽終虛



怯濃笑迴身忽涕漣長恨赤繩愆夙分自嫌錦瑟過華年鶯囚  
難卜重逢日魚勝甘圖再世緣可奈晨雞先促迫尙貪宿黼暫  
畱連釵分紫玉酬深愛稠擁青綾耐細憐剪髮早申偕老願抽  
毫索記定情篇前遊歷歷明於鏡迴憶茫茫墜似鈿姑射神妃  
原幻寢維摩天女本空禪覺來襟袖露霞氣贏得人呼是謫仙

深恩

手緘瑤札報知音昨夜雲高昨夜衾蛻瘦正酣香萬頃雞聲偏  
斷刻千金花綠露重翻含淚燭爲風流盡吐心自把深恩酬至  
愛如何轉說受恩深

續美人詩二首前首續上一句後首續下二句鳧脛接

崔狗尾附貂兩美同心並蒙印可

浴罷輕衫出洞房尋尋覓覓費思量梧桐月色炎如晝憶著郎  
來便覺深

天眞閣外集卷四

六

手鷲勺藥坐凝思地久天長在後時只寫靈飛經數字無人知  
道定情詩

瑤窗

羊燈未上月如絲偷出中門步履遲拂檻衣聲疑竹韻窺窗鬢  
影誤花枝乍嘗險味情逾怯強定驚覓力不支蹤跡怕人猜料  
著暗中歸去朗吟詩

把酒祝東風辭

龍盤鏡子鳳頭鞵屢卜幽期總不諧七澤三湘途易阻六張五  
角事多乖花如可折難擡手月豈能探卻墮懷只種相思無結  
實東風相祝酒如淮

淑意

人前苦嚙莫留情無奈情深態越輕蹤影已離君座遠眼光偏  
注妾邊明瘦辭縱許同心會羞暈難防兩頰豈非是恩濃情轉  
淡可知妬眼繞如城

滿願

雙峯雪映日華妍八尺龍鬚乍起眠甘后有心呈煥玉楊妃無  
力出溫泉低容不作嬌羞避緩語翻教恣意憐若使小家拘束  
態定應匆遽失天然

病暗

扶定寒香冉冉來輕雲纖月共徘徊罷妝風韻全關慧鬢性溫  
柔別是才微露隱腸知我解頻支倦態厭人猜相看一種悲愁  
味畫盡宣鑪寸寸灰

天眞閣外集卷四

九

天眞閣外集卷四

天眞閣外集卷四

天真閣外集卷五

詩五

昭文 孫原湘 長真

天水

如天儀度水年華天水由來是外家百病盡捐霜後穉三生自  
懺雨中花瓊樓寫韻人誰到玉尺量才事可誇笑我會稽王內  
史十年弟子隔屏紗

畫梅寄情人

人間難畫是相思只畫瑤臺絕世姿脩到佗生須記得謝娥庭  
院雪來時

玉姿清瘦不禁風縞袂依稀薄霧籠記得小紅闌角事滿身香  
雪月明中

青粉墻高欲度難暫將綠萼當珊珊燈前寫幅橫斜影貼上屏

天真閣外集卷五

風恣意看

畢竟天姿畫不成拈毫心事更縱橫明知卿貌花難替只要卿  
知我畫卿

紫雲樓詠月

三生石碎四禪空情寢重溫雪上鴻貪傍一株紅豆樹不知清  
露溼懷中

櫻桃小火鴨鑪溫簾影條條蕩水痕樓下月明樓上語人生能  
得幾黃昏

燈昏月瘦已三更聽盡瀟湘過雁聲修作佗生真姊弟相憐未  
必似今生

贈別辭

寄語瓊樓仙子知寒潮已放艣雙枝重看正恐添惆悵徑去颺

教省別離縱憶嬌兒須強飯便逢佳客少題詩畱將不壞娑羅  
果會有華嚴再見時

閑情

走馬尋春得得忙  
嬌紅姪紫儘芬芳  
歸來靜對寒梅嗅  
始覺閒花帶草香

侂生

一寸相思一寸箋  
眞珠密字淚珠穿  
侯門空守黃昏約  
仙洞難期碧落緣  
錦帆尙愁龐欲吠  
銀橋那有龍能填  
畱將玉潔冰清體  
好作來生並蒂蓮

一紙情書訂夙因  
妙蓮香裏證明神  
姻緣注定他生簿  
才貌脩如見在身  
說到死期心轉快  
記來前世事須眞  
風輪小劫隨飄墮  
佳耦先逢絕代人

天真閣外集卷五

瀟湘樓雜憶

湘簾跨出尙逡巡  
要使郎看要避人  
立近小紅窗一角  
半容嬌眼半遮身  
聞郎聲息畫樓過  
偷露梨花半面多  
莫恨全身看未足  
情辭都已在微波  
扇囊寵賜九天霞  
上繡蓮蘭兩種葩  
不獨愛侂高品格  
花中此是並頭花

碧甌親自搗雲漿  
暗度華池玉液香  
口口願郎都吸盡  
莫畱點滴與人嘗

銀灣渺渺隔雲端  
誰道恩波天樣寬  
膏露暗施花葉上  
不畱痕迹教人看

公然青鳥下蓬瀛  
瞞過雙鬟與長卿  
纔算聰明眞絕世  
別無一

字自分明

樓上聞聲樓下行樓前妬眼已成城隔簾微露雲鬟影料是王  
昌眼最明

下樓風恰繡裙掀偷見弓彎窄更纖乞與重臺蓮一瓣朝朝枕  
上看紅尖

郎來紅日已銜山采伴兜箇苦不閒終日相思能幾見累侘一  
度又空還

暑掀簾子露微顰卻恐消覓看未真儂有小鬟郎有伴一般俱  
礙作閒人

鸚鵡能呼燕子猜中樓那得久徘徊胡麻飯罷當窗繡郎若來  
時過午來

樓窗蛺蝶繡將成樓下鸚哥喚客聲半日吟郎郎不到教儂錯

天真閣外集卷五

三

認幾人行

兩情相敬久如賓卻隔重樓迹未親望見佯佯先立起旁人只  
道避生人

側身我欲拜慈航卻恐卿嗤阮藉狂暗向神光微點首心頭自  
羨妙蓮香

無計畱行且送行畫闌特地倚新晴難將此意教郎會兜語雙  
鬟送笑聲

茉莉香迎出浴遲歡來是妾晚妝時一番走馬看花去添得消  
覓幾首詩

指爪

粉印脂痕尙宛然溫柔如捧手兜綿調蘭雪藕曾消受握雨攏  
雲未結緣聊當指膚成密誓儘堪搔背遣清眠麻姑鳥爪親聲

寄不怕方平淚下鞭

委曲辭

方勝紅箋達粉匳公然妄想學鸚鵡梅花肯嫁林君復喚作卿卿儻不嫌

忍把旁妻喚小喬封還兩字筆親標羅敷已有鬢髮塔辜負琴心著意挑

錦字收回自悔癡甘心鞭背謝麻姑願天罰受維摩病消得聞中薄怒無

郎病根由細揣量料應未解妾柔腸重題數字緘封去抵得盧醫肘後方

封就鸞書少雁傳託題紙扇送君邊如何枉負聰明煞自把機關錯眼前

天真閣外集卷五

四

互鬪聰明似奕棋同心消息少參差昨宵爲怯旁人看算到卿心一着遲

晨窗翠鳥忽銜將小疊花箋扇角藏只有萬千珍重字青絲一絡裏中央

人世婚媾定自天爭如才色自相憐勸郎莫認夫妻好認作夫妻轉嚙然

手捧雲箋病已差欲脩報札轉遲遲連朝心事從頭寫當取家書莫當詩

郎書隱語字分明妾自關心記得清無限深情難下筆只描蘭蕊並頭生

蘭舫紀遊

纔傍仙舟語未交星眸早已隔簾招有人先我停蘭漿半晌何

曾見阿翹

一春玉蕊閉采眉聲息何曾外院知今日花前扶病出教郎知道減輕時

標格矜嚴漸覺寬水天閒語倚闌干笑容也怕人猜料無奈逢歡意自歡

畫舫潛移傍曲池烟波何處覓西施玉清縱使重追著錯過良緣已片時

綵雲重見蓼花灣可奈斜陽送客邊蘭橈漸移人漸遠碧紗猶自露春山

春遊歸去病兼愁又是經旬不下樓特爲消翫人彊起綠窗風日控簾鉤

秋詞

天眞閣外集卷五

五

相如病骨怕秋寒那更臨風慘不歡千萬爲儂休自苦君身安始妾心安

風清露白已涼天樓上燈紅尙未眠如此夜深羅袖薄爲誰猶立繡窗邊

仙人生就骨清癯誰識豐容是病餘那得纖腰眞入抱玉肌親切看何如

紀緣盡日

未通眉語已通情只隔湘簾不隔聲臨別回眸重一顧累人惆悵過今生

悼詞

驚傳神女已生天獸鼎盟香息穗煙妄冀因緣酬再世難追翫鬼到重泉封題密字三千札擔受虛名十五年賸有瀟湘圖畫

影一回展禮一潛然

自憐身世大淒涼幸遇知音玉秤量直道此才無敵手每稱難  
得有情郎遺文序早求張說誅筆詞還屬謝莊癡欲憑棺成一  
慟深恩豈是淚能償

霜裏幽蘭雪裏筠可憐摧折不成春七情雕就顏如玉百病磨  
來性出塵仙樹逍遙無結子慈雲縹緲是前身彎弓欲射銀蟾  
落追轉姮娥作世人

影堂重過不勝情無語低頭一徑行只當箇人還病在若聞來  
客恐心驚詩篇狼藉收難盡書稟叢殘半未成檢點巾箱舊鈿  
盒玉環知否有來生

拜梅

青蓮才思九州橫獨對梅花傲不成七貴五侯供一笑滿身風

雪拜卿卿

元日

鶯啼燕語報新年親拜紅妝玉鏡前絕豔人如初透日乍中年  
似嫩春天芳心密取明瓊下茗汁遲催小玉煎手剉瓜仁傳吉  
語願郎瓜瓞更殷殷

蘭房

當初握手尋常事誰道如天不可攀齟齬尚留纖齒印拍膚同  
驗炙香癢持裙偷擽蓮雙瓣伏枕勞舒藕一彎今日隔窗窺午  
繡一層雲紙萬重山

蘭房寂靜臥烏龍醜促郎行坐不容非是熟腸偏小膽祇緣妬  
眼慣潛蹤言當要處尤宜少情果真時豈在濃畱得清名相見  
好並頭曾已學芙蓉



橫霞仙館雜事

佛容光豔世無尋供養端宜紫竹林我願將身化童子朝朝合  
掌拜觀音

只道粗才定品差幽蘭偏比別人家回瞋一笑思量著原是梅  
花第一花

爲恐狂奴思不禁朱櫻宛轉避春禽星妃微露蓮花舌未許露  
屑已許心

畫堂相見倍矜嚴眼角尙梢盡避嫌六幅湘裊風不動暗傳心  
事與鞦韆尖

郎來深坐綠窗紗看我梳成兩鬢鴉當著小姑留不得待伊臨  
去喚煎茶

含情低首不輕擡還恐當窗女伴猜趁著金鍼重度候看郎偷  
眼看儂來

天眞閣外集卷五

七

相邀姊妹出花前人自徐行我轉先閃過小屏山一角任郎偷  
擲指尖妍

春社如雲紫陌過重簾翠地注嬌波誰知簾外蕭郎立促膝溫  
存半晌多

戲取茶甌當酒杯手拈紅豆教郎猜怪人料事偏奇中手握雙  
鉤不肯開

欲度櫻桃味與郎背人離坐走佯佯玉甌一點波羅蜜分付消  
覓自去嘗

問郎底事病雙眸可怕銀燈可悶愁好避綠窗風日煥如何還  
寫字蠅頭

仙骨珊珊響佩瑤逕來檀几泥相如玉織替按雲藍紙只道貪

看倒蕪書

情鍾

伊人雙頰秀芙蓉自識相如帶病容頻躡幽蹤忘露冷互穿和服漏香濃思深不記無心過語密親除有用封薄倖自慙兼薄福如何消受此情鍾

銷魂

寶袂親裁翠銷鮮關心脫贈早涼天重繇託裏情深厚密綫縫圍手巧妍但許貼胸如妾抱無由輸意伴君眠佗時認取斑斑迹莫棄香籠繡篋邊

嬌暝

熱腸冷面兩難猜越是依依越颺開卻憶乍成歡愛日滿身香霧近人來

天眞閣外集卷五

八

錯認真情是雜情難將心蹟剖分明只消自看凌波影更有何人比得卿

奏記妝樓

自遷樓閣可清寧可怕高寒可睡醒可想玉郎聲息到推窗悄悄畫屏聽

平時行近繡簾前一笑雙眸語早傳今日怕掀簾子看隔層樓似隔層天

聽得鸚哥喚客不屣聲已到玉梯頭心嫌女伴私猜料只說看花偶下樓

初夏

綠陰濃染合歡牀花裏潛蹤入洞房幽怨襟情難細語驚疑滋味勝初嘗不知金鈿何時落誰識羅袞別有香道是分明原是

癡風光瞥去耐思量

牡丹下醮集

銷障圍雲五色齊  
八窗都展綠玻瓈  
名花一種春無賽  
卻見傾城首亦低

斜背花枝坐綠紗  
恐花羞見面如霞  
反教奪盡花顏色  
人對花來不看花

女伴藏鈎賭玉杯  
聰明十度九贏回  
就中偏是郎心活  
卻費沈吟半晌猜

郎拈梅子出花陰  
剝贈梅仁示意深  
故把玉纖摩弄久  
教伊知道會伊心

席罷香輿散畫闌  
感卿花下獨來看  
比肩立盡斜陽影  
相見非難別總難

記憶卽書

天眞閣外集卷五

九

社鼓喧喧殿六街  
東風搖蕩畫簾斜  
萬花叢裏偷眸看  
始信梅花第一花

一閃橫波抵萬金  
乍掀簾已見芳心  
瓜犀贈自摻摻手  
情比當年擲果深

聞郎聲息翠簾開  
連日潛踪著意猜  
知道袖中藏數字  
百方圖便近身來

待來何事卻來遲  
已近花陰月上時  
口自怨郎心自喜  
暗中情味淡人知

病中消息恣親覘  
悄揭羅幃按玉纖  
平日未容親近處  
今朝不道儘無嫌

投瓊鬪葉兩無猜  
衆裏橫波不肯擡  
扶到上燈移坐近  
一鉤新

月暗鉤來

盈盈綠水出芙蓉  
嬌韻纔如二十餘  
昨日女兒相並立  
風情翻較阿嬈輸

臨別貪看月下姿  
黃昏風露下階遲  
知郎尙有流連意  
特向明蟾立片時

心性年來倍耐愁  
沈潛聲影坐樓頭  
輕風任擊簾鉤響  
不是郎來不下樓

此生百念已灰寒  
薄倖休疑會合難  
賸有丹誠心一點  
可憐無計剖君看

曲房

青桐一樹瘦搖涼  
最密簾櫳最後房  
細雨暗催眉黛綠  
晚風微度鬢花香  
怕聞步履推屏起  
畧近粧臺觸瑟忙  
一種乍嘗鶯顛

三真閣外集卷五

十

味清宵歸臥細思量

釋妬

寒暄數語出金堂  
一字無由漏隱腸  
越是空來情越好  
當時容易轉尋常

夏詞

綠窗迎夏夾衣更  
玉秤稱來並體輕  
人笑同心是天定  
一回歡喜一回驚

投我靈瓜美似飴  
分明冰雪箇人肌  
早知鄭灼然心火  
此物清涼可暫醫

鸚鵡當窗不敢呼  
玉鈎響處卷簾無  
風前冉冉輕雲影  
一幅楊如出浴圖

小姑新製碧筒香  
彊捉檀奴盡一觴  
親剝蓮蓬瑩似玉  
背燈伴

置鏡臺旁

秋詞

小病懨懨過暑天嫩黃姿色謝華鉛今朝薄傅芙蓉粉省得郎  
看瘦可憐

紅牆綠篠謝孌家金鳳開齊五色霞樓角一鈎黃月澹麻姑爪  
上看桃花

洗空脂粉晚粧成直色看來倍有情更喜一彎心字月玉人眉  
額照秋清

洞房輕把玉屏推手握青絲下鏡臺知爲阿儂生日到多情先  
日送花來

午寢

長日因循候閒房寂靜時捲籬樊嬈侍計遣阿侯嬉委地垂銀

天真閣外集卷五

十一

押當窗隱畫絲近前來冉冉卻立故遲遲佩任湘褰妥釵從翠  
鬢欹蒙茸珍火齊綽約獻冰肌側耳風聲過關心竹影移喜多  
翻震蕩力弱爲驚疑婉轉花頻就闌珊蝶已疲暫推无妄疾深  
負有情癡吃吃思前度惺惺訂後期難成偏好謔惆悵定如斯

中秋

雀鑪烟穗裊黃昏月過迴廊乍掩門蟲覆葉深栖迹穩蝶藏花  
小受香溫風鬟細閃珠燈影雪腕微霑玉露痕如此風情如此  
夜一回相見一消魂

縫履

綠華仙履製瓊瓏珍重寒閨妙手功曉篋豫分金綫碧夜窗頻  
剔玉釭紅迴腸默轉迴鍼處密意潛含密縷中著向閒堦須護

惜祇緣縫綴費春葱

評梅

東閣南枝第一春阿誰配得藐姑神無心自譽梅花品半晌低  
顏不應人

雨阻

黃昏獨自下簾櫳挑盡銀釭不肯紅有限清歡好時節可堪拋  
擲雨聲中

料卿知我憶卿真繡被難安轉側身聽盡漏聲還聽雨綠窗同  
是未眠人

閉戶沈沈長綠莎隔條街巷抵銀河一宵兩處芭蕉上不敵相  
思淚點多

兼旬梅雨苦如年霽後晴雲火欲然雨旣阻人晴亦阻天公難  
作是情天

天真閣外集卷五

三

相期隔日到妝臺苦被金閨女伴猜如此炎官張火繖連朝觸  
熱爲誰來

書憤寄所思

怕檢羅衣舊日香怕登樓閣睹斜曷眼前事事皆堪哭特借飛  
花慟一場

旁撓歡計阻良緣中道風波豈偶然我痛世人皆欲殺不如卿  
有一人憐

仙寢

燈昏如癡月沈沈曲折仙源許恣尋細草生香逃洞口片雲含  
雨閣花陰搗霜玉杵愁輕重濯錦銀河試淺深十二萬年今夕  
事一回追憶定霓襟

絳蠟生珠淚未挑石雞無奈應春潮合歡慢揭青綾帳圓聚從

吹紫玉蕭洞草尙含仙露涇峽廿化猶帶瘦雲搖風光瞥去饒餬  
甚纔著思量似昨朝

答怨

百尺紅樓一寸誠願隨飛絮入簷楹焚山終想求毛女抱柱何  
辭作尾生薄怒音詞深似笑過防心膽易成驚佯推故卻應須  
會不負初盟肯負情

附來作

終愁青鳥漏丹誠莫屢傳書到繡楹握手尙嫌逾風分並頭  
原約待他生爲君已致全身病念我那堪小膽驚非是愛恩  
翻報怨祇緣無以止深情

答羞

千金一刻價無酬斗帳明姿映燭羞峽裏雲行原是寢洞中霜  
燠不知秋抱香眠蝶忘朝算骨樹飛花惜去畱誰把鴛鴦顛倒  
配青天易補恨難休

附來作

數年幽願一宵酬及至承恩反覺羞豆蔻花殘方著露梧桐  
葉瘦易驚秋枕邊密字綢繆印被底濃香鬢黷畱脩作鴛鴦  
知不易此生甘死未甘休

答疑

揚臺聲息誤傳聞苦寄連波銷字文蓮座久皈香一瓣梅花敢  
議白三分有星偶近天邊月爲雨原無峽外雲溝水東西羞薄  
倖錦衾長守卓文君

附來作

風語華言屬誤聞忍將私意度雙文畫圖縱被丹青混棋局

終須白黑分昔日感郎情似海今朝疑我薄如雲妝臺那得  
秦宮鏡肝膽分明照與君

曉妝

水精簾下曉風涼委地春雲五尺長容易偷窺殊出浴最難親  
見是殘妝願爲花朵依鬢側想到釵聲墮枕旁待與侍兒商畧  
取紅梳梳下幾絲香

小字

謝公最小女偏憐小字呼來定絳仙一月迴懸珠樹朗百花都  
讓玉梅妍療饑自喜忘并日消渴何韜爲損年每向畫眉窗下  
見匡廬只在鏡臺前

排次

姊妹行中最下肩女兒星次斗牛邊數來指節螺紋徧翻到肩

天真閣外集卷五

四

圖月暈妍窺后香詞畫苑轉丁孃麗曲索纏絲宋宮謝女原排  
十傾國偏推第一仙

生辰

十日清和未改春玉厨櫻筍作生辰問年愁誤波斯女降日應  
推洛水神屈指浣花須下九當頭弦月尙初旬金盤香露前朝  
貯浴罷如來浴美人

病悰

得遂幽期病轉深梅花開日到如今香盟縱結鴛鴦帶好寢難  
溫翡翠衾千尺水深通素札一重山遠隔羅襟料無靈藥能醫  
治願化西天並命禽

秋窗

紙閣蘆簾玉放光朝朝綫帖與鍼箱腰間歡喜潛鬆帶骨裏鮮



妍任毀粧畫檻凭時禽注眼繡鞵行處蝶隨香太真瘦了春風  
面一種秋蒐化海棠

佳人

玉梅花下訪雲窩坐對春山壓翠蛾幽暗房權聽雨久暝香屏  
墮避風多論詩反索郎吟絮作計閒教婢補蘿蹤蹟自疎情自  
密趁人回首注嬌波

妬阻

妬眼如叢集滿身祇容相見罷相親私書拚滅懷中字幽恨難  
瞞鏡裏顰豆蔻含苞香觸手櫻桃垂熟味露唇當初只道尋常  
事猶苦消蒐未得真

幽窗紀事

洞房清晝似黃昏卻下重簾掩上門威閃星眸含薄怒妬傳風

天眞閣外集卷五

十五

語表深恩鬢稍花朵防欹側舌本茶香恣吐吞容易鈴聲驚蚊  
蜨已消孤悶未消蒐

記言

膽孃小膽卻多情鸚鵡纔呼便喚驚錯過今生好時節泥人苦  
苦訂來生

今生也算宿緣深花縱分枝卻一心脩作人間真伉儷相憐轉  
恐不如今

春雨代所思書悶

藍橋咫尺水盈盈錯過花朝月又明如此相思容易老一生幾  
度見雲英

寢隔心懸又十朝緣窗風雨坐無聊九天屈注銀澗水那得憑

空現鵲橋

悶掩窗紗盼曉晴  
幾回錯認畫簾聲  
玉階細數沈沈滴  
怨了東風怨薄情

泣別

屢揀行期未有期者  
番不道果臨歧  
縱教鬢臂堅盟約  
無奈驚心重別離  
蘭弱詎能勝遠道  
橋移還恐變芳姿  
一尊拌醉花前死  
冤冤隨卿好護持

寧教生死隔幽關  
遠別情懷較死難  
人到去時看越好  
淚無揮處忍尤酸  
卽防永訣誠多慮  
聊訂前期強自寬  
留得兩身顛顛在  
相思祇隔路漫漫

嬾鬟催送上屏軒  
折向空房又幾番  
十步九回猶道速  
一辭千囑未嫌煩  
鬢梢花朵從欹墮  
奩側絨書任亂翻  
最是關心羃帶繫  
玉郎親贈別時言

天眞閣外集卷五

六

深閨從未涉關河  
送上扁舟恨若何  
忍淚翻將詞勸慰  
耐心須保體安和  
相看每覺消魂盡  
鳳見原愁折福多  
暫別畱些緣分在  
鏡臺侘日細消磨

箇人生日

紅藥年時照綺寮  
箇人生日是今朝  
畱賓每取頭綱試  
拜佛親將意可燒  
蘿屋補苴原不易  
蘭閨行役太無聊  
重來響屐迴廊下  
竹影禽聲總寂寥

舟夜

尋常小別上蘭舟  
回首山城見玉樓  
今夕依然開畫槳  
前行不覺過芳洲  
如何枕上醒孤瘦  
翻憶閨中作遠遊  
聽盡船頭風與水  
綠波東下淚西流

小別

送遠悲猶在離情此又并暫迷三里霧如隔一重城密意傳眸  
子歸期訂尾生臨行手三反知我定知卿

如約誌喜

臨行堅說莫歸遲只許匆匆半月離不道芳心偏記得果然不  
負玉卽期

爲探消息過卿居果見明粧出綺疏衆裏相逢先問訊別時清  
恙近何如

守約如山定不更玉蟾三五證前盟笑郎枉抱癡情在準備橋  
頭作尾生

別不多時語已多香肩斜倚注橫波問郎侘日天涯去儻負歸  
期待若何

病起

天眞閣外集卷五

七

一番僂傍一淒其若箇深恩得似伊憐我病餘宜自愛怕儂情  
重轉相離無由湯藥親身奉只是衾裯徹夜思見面但知郎瘦  
了爲郎消瘦卻誰知

妄語

綠窗凝語太無聊妄想重生比玉簫便等十年卿穉小可知雙  
鬢我飄蕭浮萍縱記前生準並蒂終嫌隔世遙畱取悲愁緣分  
在且圖一見一覓消

幽蹤

湘簾翠地護幽房更借屏山一曲僂爲狂心須自斂漫云私  
語儘無妨潛蹤尙恐衣釵角側耳頻猜屣過廊重揭鏡奩看鬢  
影黃花手整綠雲傍

漫把秋花較若何祇應人月比姮娥日華映面空脂粉雲葉裁

衣厭綺羅骨秀未容粗領畧情高常苦費猜摩今生幸不諧鴛  
牒暫遇猶愁折福多

長恨辭

穠華一樹委千春頓失蛾眉絕代顰嘔血但知呼負負迴身猶  
想抱眞眞溫柔儘折三生福驚恐虛勞十載神一慟靈牀還未  
敢自憐終近薄情人

病中密誓淚紛紛細喘如絲語不分到死未能忘子建佗生應  
得配參軍玉簫果許常爲媵神女何辭暫化雲只是費伊方寸  
血相如親誅卓文君

聽到傷心伏枕辭如何忍得淚千絲六州已鑄今生錯萬劫難  
消此願癡眼看神娥奔月去覓愁天女下凡遲不關貪守重生  
約正恐輕生轉負伊

天竹閣外集卷五

六

花香月色舊關杆不忍重經况忍看是我心知天必忌爲卿淚  
滴地無乾渾如寢裏還尋寢虛被歡稱未盡歡從此一雙紅豆  
顆拋沉碧海恨漫漫

總悼一首

王夫人與管夫人湘水神還洛水神身到碧空齊解脫手拈紅  
豆獨酸辛愁絲日繞詩中絮淚迹時霑畫裏筠欲報憐才恩似  
海此生情海願沉淪

閣筆

知音難得况蛾眉手捧瑤琴謝子期宋璟怕提梅萼賦杜陵悲  
撤海棠詩袖豪作誄循遺教分俸營齋託詭辭我亦憐才非好  
色料無人識有天知

天真閣外集卷五

昭文 孫原湘 長真

無題和蕭百堂

鏡中春浪洗朝霞  
拋閃風情與月華  
不道負心真似鐵  
從來薄命定如花  
橋頭誤問巡官卜  
江上虛猜估客槎  
簾卷西風還悵望  
蕭蕭落葉滿天涯

三年一信盼歸遲  
消息傳來總可疑  
筆柱忽移哀雁調  
釵梁偏骨喜蛛絲  
連宵癡好都無準  
竟日粧成轉自嗤  
小婢不知前計左  
只催開鏡畫新眉

再和百堂

鬟剪湘雲珮紫霞  
春風消息露年華  
愁來不忍看殘月  
癡絕還思葬落花  
有器難收傾地水  
無程可紀上天槎  
姻緣祇好如鴻

天眞閣外集卷六

燕海北江南各一涯

果然重到不嫌遲  
無奈空言祇益疑  
癡願莫真成馬角  
愁身早已入蠶絲  
強爲排解翻添恨  
待覓商量恐受嗤  
聽得鄰娃倚夫婿  
教依新樣畫娥眉

帳簷梅花

一道霧縠一重紗  
寫出前身萼綠華  
畢竟帷中看不見  
依然暝玉當梅花

羅帳春風偷揭開  
壽易粧額尙慵攙  
玉鈎掛起分明看  
也當巡簷索笑來

金陵女校書謝玉獨居秋影樓  
洗粧謝客余與張香嚴秀才訪之  
羨茗清譚殊有高致王脩徵下玉京一流

人也臨別願贈

美人從古怕妝殘，邀寵爭妍到此難。要卜傾心誰妾愛，獨將真色與人看。輕身祇恐奔歸月，清氣偏宜坐近蘭。我有無窮天壤恨，爲卿鴛牒也心寒。

咏美人屨上絮

托迹紅幫繡綫邊，步來香土欲成蓮。此生不作沾泥相，慧業能參白足禪。

感蝶

莊周幻寢爲蝴蝶，畢竟風流寢是空。爭似青陵臺下鬼，一生酣寢萬花中。

美人初度

如君竟體似芳蓮，生在蓮花一日前。詩主性靈空倚傍，情緣酒脫愈纏絲。巧思幾越銀河界，好躑常依壁月邊。繡佛燈明齊下

拜比肩，人恰是同年。

天真閣外集卷六

二

有悼

優曇鉢裏現芳華，秀在丰神慧齒牙。吟雪尙畱新起草，清霜偏折未開花。認來小影烟如玉，歸去秋魂月是家。身到銀河休悵恨，依然完得一匏瓜。

折桂寄人

碾金爲雪鑄秋芳，合助瑤臺素女粧。此是蟾宮親折得，滿身風露尙天香。

一笑

人面芙蓉

滿身花片打漁郎，贏得樓頭一笑償。豈是裂繒能博取，若爲射雉始酬將。漫誇城北徐公美，早識街西小杜狂。卻顧五陵裘馬客，千金猶自費商量。

戲凌客

聲價空論十斛珠羊車竟自返璠瑜花飛尙作隨風颭鶯去猶  
聞隔谷呼叔寶祇應爲小友仲卿原不是人奴鍾情自古招開  
妬團扇風流一例無

雜事

閣翠燈紅酒似潮人間第一可憐宵綠熊茵展風都穩赤鳳車  
來雪未消別院簫聲催月上隔屏香氣雜花飄蔡經得噉麒麟  
脯已是麻姑指爪調

此中洗面淚痕多伏枕空持斷袖羅北地自工操井曰東屏何  
敢按笙歌羊車歷鹿聲初杳雁社參差調未和莫勸春江桃葉  
渡真花還恐易摧柯

留仙褰子石華裾一種柔情玉有餘肯負平時酬芍葯祇宜生

天眞閣外集卷六

三

日近芙蓉窠窻親設文犀箸送遠空思小犢車休抱玉郎天壤  
恨琴心未必遇相如

綠紗窗緊掩翠眉肯放輕風透一絲微笑豈因茶潑後不言常  
似扇障時貪看花影吹燈早愛愛蘭熏出浴遲未必長卿眞病  
輒強邀纖玉爲扶持

玉映

水樣簾櫳玉放光語香未了雜花香竟邀映柱來窺伺恰喜斜  
門得掩藏歸去忽移青雀舫重逢剛在碧雞坊匆匆一笑天台  
路知爲劉郎爲阮郎

花讌

仙手調羹巧香涵玉盃春妙來無過熟鮮極自生新座各嘗  
飽歸猶樂道津嘉肴盡佳果花醺謝花神

花燭辭調張子和比部納姬姬靜海人

剪錦爲帆桂作橈渡江桃葉自吹簫儂家丁字沾邊住生小垂楊鬪細腰

銀燭生花漾翠屏桃枝扇底玉瓏玲一雙同應天邊宿郎是郎官妾小屋

五更統鼓聽鼕鼕罷朝衣宿火紅獨抱雲窩貪美睡賣花聲過小胡同

紅條三尺署銜頭新拜都官屬小秋左畫蛾眉右書判果然張做最風流

蕊宮花史圖

并序

柔兆執徐之歲百花生日宛仙夫人招集女史十二人宴於蘊玉樓謀作雅集圖以傳久遠患其時世粧

天真閣外集卷六

四

也爰選古名姬按月爲花史以江采蘋愛梅花屬焉蘭有謝庭之說以屬道蘊梨花本楊基蛾眉猶掃之句以貌國當之牡丹有一捻紅本以太真得名榴花屬潘夫人爲處環榴臺也西子有采香涇蓮花系之秋海棠名思婦花開於巧月採蘇蕙若蘭故事牽合之麗華有嫦娥之稱以之司桂賈佩蘭飲菊酒駐顏宜令主菊芙蓉稱蜀主銷城最盛故屬花藥夫人惟子月山茶絕少典要以袁寶兒爲司花女屬焉水仙則凌波仙子盈盈微步其洛神乎分隸既定作十二闌各拈得之自正月至十二月爲謝翠霞屈宛仙言彩鳳鮑遵古屈宛清葉茗芳李餐花歸佩珊珊趙若水蔣蜀馨陶菱卿席佩蘭長幼間出不以齒也爰命



畫工以古之裝爲今之貌號蕊宮花史圖兩易寒暑  
乃成重集畫中人置酒相祝命余題詩以紀其事

非非妄想人諸天管領羣芳合衆仙按月不關分甲乙蕊花原  
各種因緣九霄或有真靈在萬事都從傳會傳比作詩家操選  
例六朝唐宋一齊編

十二釵痕十二闌萬花深處珮珊珊改除時世梳粧儉脩到神  
仙眷屬難點筆盡驚傾國豔披圖還認合家歡美人本是花真  
影只當宣和畫譜看

玉樓張出朵雲新占斷瑤臺四序春仙樹參差寒煖候神光離  
合古今人好花難得同生日明月須知有化身畱取埽眉真姓  
氏後人應又託傳神

蕊珠宮殿月茫茫我道分明卽故鄉花裏便爲仙世界雲邊堪

天眞閣外集卷六

五

想古衣裳衆香國煖春常笑羣玉山高夜放光願得畫中人不  
老年年只作畫中粧

雜紀

昨夜簾櫳事渺茫花前贏得客清狂聽歌誤認回心院映燭貪  
看半面粧簫史慢圖聲引鳳相如空奏曲求凰玉纖剝取青蓮  
子別想人間擲果郎

仙人畫舫列瑤京漢使乘槎犯大清相背已嫌如蒯徹平看竟  
自學劉楨未妨惆悵原無益少得團圓便有情不道微波萍末  
起菱枝柔弱晚風傾

觴政清巖石尉行分曹射覆太縱橫借花獻佛開瓊閣將酒驕  
人鬪玉觥幸喜聞名知小宋密教不飲救公榮憐才自是傾城  
意恩怨何勞着眼明

歸去銅龍咽漏遲歡孃偏唱惱公詩盛名早慕羅昭諫狂態寧  
嗤杜牧之竹葉翻時鸞獨宿桐花落處鳳相思鄂君繡被香熏  
久心悅夫君卻未知

詠美人所製楊妃舌用海汁搗餠霜裏玫瑰瓣爲之取  
其形似也

薄似銀簧炙乍清小紅尖瓣本生成自從香口親題後應笑江  
瑤浪得名

西施舌好味嫌腥新剝雞頭肉比馨一種妙蓮花氣息是曾親  
口授心經

一捻分明玉手將宛然檀口吐丁香天生慧舌工翻案不是楊  
梅強屬揚

清品須陪雀舌茶如酥滑膩欲膠牙三郎見此應微笑親喚玫

瑰解語花

人口甘酸滿上池芳津直許透詩脾華清當日真滋味只有寧  
王玉笛知

紅得嬌柔嚼未堪香如雞舌帶微甘恰宜小病貪酸日一點櫻  
桃細細含

李松雲陳雲伯郭頻伽諸君各以蕊宮花史圖題辭見  
寄戲書其後

碧城十二幻諸天吳下因緣越水傳豈有神人真示影本來姉  
妹慣隨肩司花故事原應女脫草新詩果似仙傳到蕊宮香口  
讀一時紅紫盡嫣然

疊韻簡顧虹橋秀才

一紙瑤章奏綠天花臺詩史早分傳虎頭筆果工添頰蟾影圖

眞夫人小影君會以索題 合比肩清福自來關智慧奇才方許賦神仙  
山疊韻還能否更博羣芳一戰然

虹橋疊韻見示以不得見圖中人為辭余請以蓮花代之

會埽瑤臺隸洞天才名誤被十洲傳敢教王遠噴搔背偶得洪崖戲拍肩迦葉悟時心即佛藕花香處影皆仙何須親見凌波影身到銀塘定宛然

易羨寒辭和張椒卿

綠波紅舫即天台花不知名爛漫開我比劉晨更無賴此番瞞過阮郎來時在阮助巖師著

輕衫如水剪裁藍占得烟波玉女潭自受東風披拂後桃花紅煞小城南

天真閣外集卷六

七

清脆鄉音畧帶蘇七條絃上住羅敷望仙橋北垂楊路認得當鑪翠袖無沈四常熟酒家女聲色為諸伎之冠

解畫開元桂葉蛾能酬主簿定情歌尋常一朵紅蘭影已勝粗桃俗李多

張緒依依最少年墨花狂污薛濤箋風情恰似靈和柳搖曳輕寒二月天

杜牧尋芳歲宴時柔情消得鬢如絲秋墳欲喚陳髯起重唱迦陵絕妙詞

從張椒卿問沈四消息

明知相見原無謂消息尋來卻甚真漫向謝三呼四字謝三處不識四字

字宋時謠也 只將蘇小問鄉親桃花那記春前度萍葉原為絮後身別有關心忘不得莫猜渠是意中人

松陵有舊家子賣笑以養親孫子憫其志爲成四詩

上絃月出兩頭纖雙笑花枝揭畫簾不似小家拘束態自然通脫自矜嚴

酒龍喝月笑如雷贏得桃花上玉腮生小頰椒吟絮手紅酥渾未慣行杯

榮易第宅舊平泉券寫簪花記昔年莫話東山絲竹事惹儂雙淚落尊前

博錢酒券替親償燕玉還求煥老方儂自白華親潔養任人調笑野鴛鴦

豔體聯句

楚地人雙豔子瀟瀟盧家燕並棲恰當春煥熱客轉憶夜淒迷刻鞞驚初見子瀟瀟傾襟語向低肌疑姑射比客眉蹙女峯齊笑索香蘭

天眞閣外集卷六

八

媚子閒貪杜若攜神光離與合客仙手擎還提密誓膚親拍子瀟瀟

恻才眼得鏡心知圓有鏡客身願捏成泥咫尺紅樓近子瀟瀟尋常

素簡稽每偏恩雨露客許吐氣虹霓豆顚相思種子瀟瀟花名遠志

題浮雲指直北客弱水湖流西濁質慚晨肇子瀟瀟清狂稱阮嵇來

占乾鵲噪客靜惱乳鴉啼隱語芙蓉妙子瀟瀟新詞芍藥詆折菖留

翡翠客攀樹引蛸螭小字唐宮顯子瀟瀟哀絃蜀國悽窗幽飛野馬

阻奮鸞篋偷祝坤靈扇子瀟瀟佯扶月窟梯問桃酸自釀客圍棘苦

難栖詩繡羅巾幅子瀟瀟書絨絳篋綈畫圖纒彷彿客琴調是端倪

美疾求丹鼎子瀟瀟芳年想玉笄喜蛛絲網盒客威鳳羽裁桂寫竹

鈴螭印子瀟瀟團香剔麝臍性靈魚縱壑客踪跡鹿循蹊要訂三生

石子瀟瀟休虞百丈溪秋情枯瘦柳客宵曩握柔荑栩栩園迷蝶子瀟瀟

膠膠枕報雞聯函千萬語凌客無路達瓊闈子

有女郎臨死自焚其詩稿者

一方紅淚滴瓊瑰拚把生香換死灰畱下人間誰解讀除非儂再返竟來

爐灰撥盡尙沉吟身死何須要賞音邊恨有情偷記去無從灰得此人心

贈秀卿

鎖斷瓊樓與赤城求漿只合問雲英呼來小字珠無價聽到新歌月有聲細搗豐肌容瘦削偶妝愁態越聰明寒宵稱意熏爐畔笑看雙烟一氣生

低窗窄檻易黃昏湯茶爐瑞霧噴寂靜互傳角語清寒頻度指尖溫人疑胡蝶依依纏春逗梅花淺淺痕坐到月華如雪

大真閣外集卷六

九

滿若吹銀燭更消竟

瑤臺飛下玉無塵天與寒梅作替身姑射肌膚原處子孤山婚嫁待詩人細論心曲宜長夜親說年庚恰嫩春怪底生香香不斷百花生日是生辰

屈指春光到畫闌玉郎車馬上長安歸期縱說相逢早隔歲先愁欲別難瘦雨願隨行李去淚珠偷共燭花彈才人標格知多少不似伊家耐細看

為蘭風題天上人間圖即以誌別

聘玉盟虛玉化烟生天小像寫嬋娟儂心別有蘭香影知在華鬢第幾天

何必仙山縹緲踪人間樓閣怕雲封只消一片桃花紙便隔人

天萬萬重

索性神娥化玉京磨刀割斷藕絲情如何同在人間住拚得參  
商過一生

就使飛身入廣寒常娥還許夜深看卿家更在青天上要把瑠  
璃揭去難

借君圖畫寫農詩各種情天各樣辭亦有天台同寢處殺花聲  
裏呪相思

碧浪紅槎事渺冥楊花未必見浮萍分明掌上珍珠顆何處天  
宮作小星

春明好寢易蹉跎掣淚同聽小玉歌他日霓裳天寶曲又添公  
案一重多

贈初蓉

澹雲微雨日西斜細語輕憐隔淺紗簾影低迷妨燕子衣香清

天真閣外集卷六

十

遠襲梅花浴靈久斷黃初寢漢使難通碧落槎只當忘年真小  
友出門動卽到君家

玉梅花下寫朝雲更比梅花瘦幾分儘許眉間傳月彩難從骨  
裏繪蘭芬高情未稱金泥屋眞色惟應雪浣髮俗眼但知濃豔  
好相如羞對卓文君

題謝孃秋影照

謝名玉所居秋影樓卽以爲字乾隆庚子甲辰江左

兩攀翠華目不覩荒歉耳不聞金革風氣日競

華豔而金陵爲尤曲中有名者指不可屈秋影獨浣

妝謝客以自高聲價爲隨園先生所賞一時名士翕

然譽之先生死秋孃亦老矣同年陸甫元中翰

其舊影屬題展北里之臙脂搨西州之馬榮爲書三

絕句憶謝耶弔袁耶有心人自能辨之

心多力弱篆烟微隔着天河見影稀柳絮無情偏有福因風還向謝家飛

一重香霧百重門月過閒堦不記痕落盡桐華深院鎖為誰風露立黃昏

秦淮昔癡散如塵大傅池臺宿草新我是東山舊賓客可堪重對卷中人

滬城花事絕句

千叢玉樹萬叢蘭曲折紅橋四百欄不是道人騎雀去也應逃路出花難

桂葉雙眉秀絕塵飛觴喝月鬪千巡彥回枉殺鬚如戟沉醉東風讓太真

秀真色藝雙妙尤豪于飲酒文洲負孔思遠之星見而拜倒

天真閣外集卷六

十一

仙吏栽花繡滿園風前唱詠護花幡一枝偏賞瓊林樹聽報沿街女狀元

萬廉山大令承紀製護花幡傳奇遍賞曲中以玉林為冠一時有狀元之稱

土龍才思枉如龍拋得明珠墮海中虧我摩抄雙醉眼親擒明月水晶宮

去歲陸祁生寄書藍襦擊珠第一今來祁生已歸囑七香遠峯招致之

俞生絕調太縱橫不數杭州蘇老兵博得如皋輕一笑當筵親拜女門生

陳淑娟如泉人工絃索願高聲價會干席上聽俞春浦琵琶乞為弟子

調鉛殺粉寫珠孃誰似華亭改七香喜字親書三十六他生脩作紫鴛鴦

改琦字七香工畫美人出仇寔父上所識四喜有五簫之約

老我清狂杜牧之紫雲吹散海棠絲東風牽惹閒枝葉又值傷春病酒時

兩年前有秀芝者傾心于余為東諸侯劫去今來滬城見其妹玉芝為之愴然

酒龍意氣顛如雷一飲直須三百杯孤山處士果癡絕醉插金

英當玉梅

金寶亦曲中著聲者遠峯最賞之

香海天酒滿池鐵公繞指化柔絲玉皇勅賜雙飛寺醉殺儂

紅倚翠師鐵舟曾寓南園工書畫能歌小令酒場無鐵公不歡也

鳳尾紅雲海上開連宵清寢宴瑤臺黑風吹墮生羅刹也有消

冤李赤來為大已氏作

小隊羊車窄袖身銀燈照耀玉精神張家世有蓮花貌也入花

叢鬪早春張氏子名湘春者風致絕韻諸公宴賞必及焉

小部霓裳舞柘枝春燈斜映斷紅姿替他小史然眉急偏是英

雄李藥師慶升部小伶崔松味莊觀察所賞演燈劇火然其角公為之疾呼

重來

重來碧玉舊情人認取燈前窈窕身百媚生成無若秀七情流

露莫如真眼波能剪冤搖水肌雪全消酒入春應笑桃花未開

日何曾洞口見劉晨

天眞閣外集卷六

十二

相簾高揭字如丁認得秦樓小鳳翎十索歌成嫌夜促四絃彈

微當秋聽偶提往事顏微赤偏遇才人眼最青珍重海棠休易

落楊花猶得化浮萍

為子和姬人題圖扇

皎潔齊紈妙剪裁畫眉窗下影徘徊分明一箇天邊月偏落嬌

娥素手來

洞房秋暝不知寒莫取班姬古傳看自製合歡新樣子更無一

日不團圓

石闌點筆稱題詩樹底輕涼拂面時誰唱畫屏團扇曲侍兒猶

是謝芳姿

歌女

一曲檀槽語若絲十三年紀太嬌癡分明不解人情思也有千



欄百就時

戲贈羅仙

人前絕不避嫌猜身似飛花墮我懷底事昨宵燈暗後隔筵伸  
過鳳頭鞵

春浮香雨灑曼陀一寸橫波抵愛河不是散花天女使如何能  
起病維摩

硯匣濃香拂翠裾泥金扇索瘦金書迴身又掣宣毫去憶着相  
如病未除

推去偏來近又離摘花擒蝶戲難支無端誤觸歡孃惱翻得溫  
存爾許時

懊農

懊惱傳呼老畫師生綃苦要寫芳姿低頭已怕窗光逼對面偏

天真閣外集卷六

三

逢筆性遲何惜天人畱本相恐勞塵世惹相思切休刻畫西家  
貌暗屬當筵顧凱之

羅浮

羅浮山頂有飛仙不就梅花不肯眠雙眼防教禪欲破一生喜  
與俗無緣沈機翻覺情懷澹薄怒偏增意態妍閒對春風成一  
笑儘人評泊恣人憐

送蕊疇歸

一丸冷月片帆開無計畱君且送回明日紫荊花樹下有人還  
望折花來

贈別羅仙

安榴花映淚斑紅別緒都含不語中佛願縱慳成並蒂仙蹤何  
苦類飄蓬拍膚淒切盟沉水捉臂矜持護守宮金鎖暫籠么鳳

去此生心已掛梧桐

嗚郎珍重要郎安收拾啼顏強作歡新月儘畱圓後想好花尤耐別時看傷心且說相逢易行跡終秋心自定難玉手親除金纏臂願天重與鑄團圓

暫時小別尙縈牽况是分飛各一天流水倘然終不返浮雲何似竟無緣香濃自古畱難久癡好從來續未全贈我青絲纜一絡如何穿盡淚珠圓

同心穩抱此情芽綠到春深會發葩大海有時逢斷梗小星甘自守匏瓜果營金屋先量地若到銀河定有楮手寫紅箋教記取碧桃花塢第三家

別有所贈

四條絃索酒雙尊記得離筵月一痕今夜綠紗窗外雨又因桃

葉念桃根

枇杷花裏小門關金盞香消玉柱閒纔是卸頭鴛枕畔無聊擁背語虞山

贈徐雪園女史

虹橋西去謝孃家舊有才名出絳紗頻典荆釵酬藥物自關茅屋種梅花綵毫得意能消福玉佩當心最辟邪寄語江東徐小淑清琴好好伴秦嘉

雨中同慈疇小霞泛舟至羅仙家送春

湖山如瘦雨如塵道是尋春卻送春畫漿雙枝天上水紅樓一角意中人難遮去路惟青草不定來蹤是綠曠究竟爲誰惆悵煞閒愁纜洗又重新

立秋日得羅仙問

青鳥殷勤下碧城藍橋重許見雪英書隨梧葉先秋至人比荷  
花隔水迎百恨盡拋雲外釋雙眸豫洗月邊明卻愁好事臨期  
阻抱柱依然作尾生

喜羅仙至

桃根持楫渡江來匳具親攜玉鏡臺小別丰容看較瘦浪傳情  
事見先猜微聞密坐芝蘭息細驗重襟豆蔻胎整掠雲鬟照秋  
水蓮花羞對妙臺開

供蘭圖

三生公案證幽蘭珍重殊香白玉闌除卻此花無當意春風笑  
折一枝看

膽鉸欲插費商量愛好天生事審詳位置一花非草草才人文  
筆佛心腸

水軒紀事

天真閣外集卷六

五

銀塘急雨響颼颼水濺荷衣萬葉愁一朵玉蓮波上立天風吹  
殺不低頭

憐卿消瘦惜卿貧肺腑深譚字字真卻被芳心成一笑始知洗  
耳有高人

悔恨詞

無端打扇誤驚鴛竟作孤飛綵鳳驀西子難追乘月艇東君空  
壁護花幡情緣過處翻成悔事爲沈幾易受冤此夕秋燈風露  
裏誰憐顛顛病文園

一紙相思兩鬢絲渡江桃葉竟無期薄言縱使逢卿怒消息終  
應寄我知猶恐再圓仍易缺果然重到不嫌遲崔徽圖畫分明  
在癡把銀釭照幾時

重九卽事

相逢巾帔毒飄揚  
雙鬢寒花滿屋香  
細雨幽窗低語處  
人生能得幾重陽

歸舟

艣枝搖出荻花灣  
隱約船頭露翠鬟  
料得箇人鴛枕上  
寢寬先我到虞山

金鳳曲爲周生菘疇作

逃香小洞曲瓏璫  
衣染幽蘭葉葉馨  
脩到今生兼福慧  
親題詩上照春屏

乍拋眉眼整雲翹  
顧曲心寬已暗消  
不索泉邱帷幕聘  
只圖夫婿會吹簫

天眞閣外集卷六

六

可是桐花

雙飛心事比鴛鴦  
誰改嬰蘭小字香  
怕聽躍龍宮裏曲  
九華深帳貯歸郎

果然公瑾似醇醪  
情比秋江八月濤  
學賦梅花篇未了  
又彈清淚賦離騷

戲集唐句

抱鄰燈前影伴身  
白居易少年曾遇洛川神  
韋莊相逢相失還如瘦  
元稹傾國傾城不在人  
唐彦謙更被東風勸惆悵  
張翥靜留遲日學因循  
張翥須知此恨消難得  
溫庭筠豆蔻花紅十二春

溫瘦

高唐原是寢生涯  
綠水紅樓第四家  
北地臙脂中婦豔  
南朝玉樹後庭花  
漁郎潛混秦人服  
織女偷邀漢使查  
驚覺風流真一

雲惱它鷓鴣喚煎茶

重次前韻

洞門回首卽天涯  
碧樹深藏碧玉家  
三度事成三夜燮  
一番寒減一分花  
頻來得似穿簾燕  
欲近難如上水查  
賸有顧儂心迹  
在玉纖親賜鳳團茶

黃花比瘦圖友人屬題亡姬照

梅檀風裏散雲英  
薄命黃花悟此生  
願作鴛鴦難比翼  
怕聞鶯鶯喚  
呼名玉簫舊譜盟  
猶在錦瑟華年續  
未成借取斷腸詩  
一句紅兒小照雪兒情

簾卷西風蝶瘦孤  
瘦秋人已化曼殊  
難求梁革回生藥  
祇賸崖巖臥病圖  
蠹帙縱橫籤罷整  
象牀零落簾空鋪  
鬢翁手製朝雲偈  
一字分明一淚珠

天眞閣外集卷六

十七

謝雪卿挽

碎鏡子儀姬人

逝水年華悼總筭  
雪堂前履太淒  
逃生憎點點  
因風絮纒上梅花便墮泥

芳姿格韻本如仙  
了卻春痕玉化烟  
手把定情團扇子  
九原辛苦尚流連

晴雪難畱短命身  
秋風訣別太酸辛  
要郎記得營齋日  
每到生辰是忌辰

我有傷心不可言  
年年腸斷木犀天  
借他溼翠啼紅恨  
自證幽蘭院裏禪

紀遇

綠梅花下記調笙  
句箇人人酷似卿  
天分不關儀仿佛  
風神都在思聰明  
回眸宛爾偷成笑  
熟視幾乎錯喚名  
愧我閒情如薤

草春風纔到又重生

醉贈

皋橋西去美人家絕世聰明沈蔡華消瘦身材宜倚竹瓊瓏指  
爪擅簪花雙聲叫出雌雄鳳兩頰烘成早莫霞我醉欲歸歸未  
得任他急雨灑窗紗

天真閣外集卷六

天真閣外集卷六

六

清故翰林院庶吉士孫君臺志銘

武進李兆洛撰 平湖朱爲弼書丹篆蓋

君諱原湘字子瀟又字長真晚又自號心青孫氏宋忠烈公天祐裔也高祖世柱候選州同知自休宦雲溪遷家常熟後縣析爲昭文遂爲昭文人曾祖岐福祖永延考錦本生考錕 誥授朝議大夫山西潞安府知府曾祖祖皆贈如其官妣皆贈封恭人君生而穎異方三四歲卽知讀詩口詠指畫若能通曉蓋天賦也成童後嘗從朝議公於官朝議自奉天治中擢潞安府君所歷若山海關醫無閭瀋陽嶺木葉嶺諸勝及黃河太行王屋名山大川風物奇險皆以歌詠發之年方弱冠而一時名宿斂手推矣中式乾隆乙卯 恩科江南鄉試嘉慶乙丑進士改翰林院庶吉士充 武英殿協修官假歸得怔忡疾遂不出歷主

臺志銘

毓文紫琅裏東游文諸講席教誨不倦多所成就士論翕然凡邑中有水旱振恤之事君必先爲經畫盡善而後行故全活者甚衆初李味莊廷敬備兵蘇松主一時詩文壇坵吾友劉美初李鹿籽丁道久陸祁生諸君皆往來吳淞煙水之間歲無虛日歸聚會之頃爲余言昭文孫子瀟者今之詩人也輒誦其詩數章條閑澹遠有古人之風余雖不善爲詩而知好之頗以不獲見君爲恨及嘉慶十年與君同舉於禮部相聚都下因以潛觀君之容貌舉止脫然不與世俗爲類而蘊藉之氣溢於眉間蓋信乎深於詩教者也然君學足以治行敏足以澤遠才足以幹事乃一登第而旋退僅以詩稱也可不惜哉可不惜哉其論詩之旨以爲一人有一人之性情無性情不可言詩無風韻亦無詩若徒以格律體裁規模唐宋者則失己之本來面目而真性





序

字字出於性靈不拾古人牙慧而能天機清妙音節琮瑋似此詩才不獨閨閣中罕有其儷也其佳處總在先有作意而后有詩今之號稱詩家者愧矣和希齋尚書在軍中札來云每得隨園片紙隻字朝夕諷誦虔等梵經老人每得韻芬詩句亦復如斯隨園老人枚讀

佩蘭管乞序於隨園先生蒙諾而未與未幾先生歸道山如求成連海上之琴但聞海水汨沒山林宵冥百鳥悲號而已謹錄先生所題拙集數語卽以弁首以明學詩之所得云嘉慶十七年五月道華席佩蘭識

